

TUMELO KE PHENYO YA RENA



Ke monyetla go ba mo bošego bjo ka tirelong ya Morena. Eupša ke nnete ke selo sa go nyamiša gore batho ga ba kgone go ba le lefelo go dula fase, ka morago ga ge re ba laleditše go tla, gomme ka gona ga go lefelo go dula fase. Gomme ge ke etla godimo, feela bjale, gobaneng, go be go le batho go dikologa mafasetere, le godimo le fase mo mekgotheng, le go ya pele. Gomme ga se—ga go le lefelo la bona go du-...go tsena ka moagong. Eupša e no ba kereke ye nnyane ya nthathana.

² Ga se ra ke ra e kwalakatša. Gomme le ka lephhepeng mo, re nno . . . Oo, ba bangwe ba bagwera ba rena ba biditše godimo ka mogala, ba bolela ka go tla go rapelelwa. Gomme re ba boditše go no tla godimo. Kafao ditaba gannyane tša thoma go ya tikologong, yo mongwe o tlile godimo go tšwa Louisville, gomme ka gona a botša yo mongwe gape, le yo mongwe. Le a tseba, ke ka mokgwa wo e tlogo tikologong.

³ Ke be ke nyaka go hwetša sekolo sa go phagama tlase mo. Eupša ba . . . Ga se ka kgona go se hwetša ka baka la ge sekolo se tseno. Goba, nako yeo re be re ka e kwalakwatša. Re nyaka batho, batho ba tikologo go tseba gore re be re sa leke go ka le kgorometša go tloga go yona, eupša re nno tseba kamora e be e le ye mpe. Kafao re, ge re ka be re hweditše sekolo sa go phagama, re ka be re dirile bjalo, eupša ga se ra kgona.

⁴ Kafao, bjale, bošego bjo e tla ba bošego bja mafelelo bja dipuku ka morago, tšeo Mna. Mercier le bona ba nago natšo mo, le ditheipi le go ya pele.

⁵ Gomme ka gona gosasa mosong ke sekolo sa Lamorena. Gomme ka pela ka morago ga ge sekolo sa Lamorena ba tšere lefelo la bona, Morena ge a rata, ke nyaka go bolela ka thero ya boebangedi, gosasa mosong. E tla thoma ka masometharo go tšwa go senyane, ke a nagana, a ga se yona, Ngwanešu Neville? Ka masometharo go tšwa go senyane, sekolo sa Lamorena se a thoma. Gomme ka pela ka morago ga ditelase tša sekolo sa Lamorena, re nyaka go bolela sehlogo sa—sa molaetša wa boebangedi, pitšo go modiradibe. Gomme mašego a gagologolo re be re e fa, ge e sa le go tloga Lamorena bošego, go balwetši le bahloki, batlaišwa.

⁶ Gomme ka gona, gosasa bošego, re ya go leka go, ge go ka kgonega re ka kgona, ka tsela efe kapa efe, go tšea godimo dikarata tšohle tša thapelo tšeo di filwego ntle. Yo mongwe le yo mongwe a tlilego gomme a hwetša dikarata tša thapelo, re . . . ka morago ga ge molaetša o fedile, ge re swanetše go lesa ba bangwe go boela morago, gomme ka gona go tliša ba bangwe godimo, ka

fao re ka kgona go dira mothalo wa thapelo go ya. Re tla thaba go e dira.

⁷ Gomme dikarata tša thapelo tša gosasa bošego di tla fiwa ntle ka morago ga sekolo sa Lamorena mosong. Thwi ka morago ga sekolo sa Lamorena, e ka ba ka, mohlomongwe, masometharo go tšwa go lesometee, gore di—di dikarata tša thapelo di tla fiwa ntle, gosasa. Kafao lena ba le nago le baratwa ba lena, le go ya pele, ba ba tlogo go rapelelwa, gobaneng, ebang le bona mo e ka ba, bonnyane masometharo go tšwa go lemosetee, ge ba ka se kgone go ba ka gare go Molaetša wa mosong.

⁸ Ke gore, ge o na le le—le lefelo la go rapela, le o bego e eya, gobaneng, re—re ka se go goge go tšwa fao le gatee. Re tla no nyaka o ikwela feela o lokologile ka nnete ka se o bego o eya go se dira.

⁹ Ke be ke le matasatasa gagolo lehono. Gomme feela dinakwana di se kae tša go feta, ba tlile, ba re, “Gabotse, ge o eya pele tlase, o ka thoma go rera thwi bjale.” E be e le, e šetše e le, tabarenekele ye nnyane e be e tladišwe godimo. Kafao ke nno gopola ka ditemana di se kae ke gopotšego go bolela ka tšona, bošego bjo.

¹⁰ Gomme ke nyaka go leboga Morena, sa pele, ka tšohle tše A re diretšego. Dipego tšeo di tlogo morago go tšwa go bao ba rapeletšwego, gomme ba be ba le ka kopanong. Dilo tše kgolo di diregile, feela go lefelo le lennyane le mo. Gomme go se go feta go tla godimo ka sebele go rapelelwa, eupša go bonagetše batho morago batheeletšing ba ba kaonekaone go feta ge ba le godimo mo sefaleng. Kafao re thabela seo. Ke mo go kaone kudu, go ba bona ba e hwetša ka mokgwa woo.

¹¹ Bjale, bošego bjo, ke kgethile hlogotaba: *Tumelo Ke Phenyo Ya Rena*. Gomme ke rata go bala karolo ya Lengwalo e hwetšwa ka go Johane wa Pele, tema ya 5 gomme temana ya 4.

Ka gore mang le mang a tswetšwego ke Modimo o fenyja lefase: gomme phenyo ye e fentšego lefase še, ke tumelo ya rena.

¹² Bjale, Mantšu a mabjalo a go makatša! Tumelo ya rena ke phenyo. Gomme bjale, go bolela ka phenyo. Go bile diphenyo tše ntši tše kgolo tša go thopša ka go mengwaga ye metelele ya go ngangega yeo motho a bilego lefaseng.

¹³ Ke be ke bala puku ka boineelo bja—bja Paris, gore fao, ka ge ye ya mafelelo, goba Ntwa ya Bobedi ya Lefase, gore ge Hitler a be a tlišwa ka Paris, ka Areka ya Phenyo, ba boletše gore e bile phenyo ye bjalo go fihla e tšere diiri go mašole ao a Jeremane a matšha setepe sa legantshe, thwi go kgabola Areka ya Phenyo. Mola Hitler a eme athenšene gomme moya ka moka e be e le wo moso, godimo, maratadima a be a tswaletšwe, go tšwa go difofane di sepela godimo. Nako ye bjalo ya phenyo, gore ka

morago ga go thopa ntwá godimo ga Fora, gomme Fora ya ineela go Jeremane.

14 Gomme ka London, Engelane, ke bile le monyetla gatee wa go bona kua, ka go khonferense, seswantšho sa mobi sa fao gore . . . E be e tšerwe ke Marussia, gore ge Berlin e ineetše go Russia. Gore ka fao sedirišwa se segolo sela sa ntoto sa phariri sa sešole, dikanono tše kgolo tšela ba bilego natšo godimo . . . di laišitše godimo ga ditanka tše kgolo di bego di kgona go dikologa tikologong; go no sepelela ka Berlin. O be a ka se kgone go bona ka fao bophelo bo bego bo ka ba gona. Lebaka la maele ka morago ga maele, gomme yo mongwe le yo mongwe a thunya feela methunyo ya molokoloko, go ya fao ba nnogo go tla godimo bjalo ka bojane bjo bogolo bja ditsie. Gomme gabonolo ba ile ba no rathaganyetša Berlin fase.

15 Gomme ge, nako yeo, ba gogile go tloša ditanka tša bona gomme ma—ma mašole a maoto a ya ka gare gomme ba kgobagodimo, ba romela gomme ba tšea Mna. Stalin. Gomme ge ba mo fofišeditše ka gare, ka sefofane, gomme sa kotama, mašole wohle a le a Russia a ile go theoga mokgotha, ge go menekana le setepe ba e dira, bjalo ka mofenyi, leswao la mofenyi wa Russia. Gomme ka fao Stalin a bego a eme athenšene mola dikete tše masome tša masole a matšha go kgabola mekgotha ya Berlin, ge e robetše ka meloreng. Gomme ge basadi ba Majeremane ba be ba katwa ka mekgotheng, gomme ba bannyane, ba bolawa, gomme ba bangwe ba bona ba tšhungwa, le go ya pele, eupša yeo ka nnete e be e le phenyo go Russia.

16 Ka gona ke a botšwa gore Napoleon, mofenyi yo mogolo letšatši la go feta . . . Mengwaga ye mengwe ya go feta, e ka ba mengwaga ye mehllano, ke bile le monyetla wa go ema kgauswi le Waterloo. Gomme ke be ke le . . . ke topile puku ye nnyane godimo kua, gomme ke be ke bala ka bophelo bja Napoleon. O be a hloile Mafora. O tlile godimo ka Fora, o tswetšwe go tšwa sehlakahlakeng, gomme a tla ka Fora go ya pele go lekanela le bona, eupša a ba mofenyi yo mogolo. O be a le mokgomana, la mathomo. Eupša katlego e ile hlogong ya gagwe.

17 Gomme go thwe basadi bao, ge ba be ba eya go bea masea a bona a mannyane malaong, gore o be a boifša kudu . . . O be a bolaya se sengwe le se sengwe se bego se sa dumelelane le yena. Go fihla, basadi, go na le gore ba re, “Monna wa sepoko wa kgale o ya go go swara,” ba be ba re, “Napoleon o tlile go go swara.” Gomme baisesa ba bannyane ba mahlo a go kganya ba be ba bea dihlogo tša bona ka fase ga sa go khupetša, ka pela ka kgonthe, ba nagana ka nkoko ye kgolo yela Napoleon.

18 Eupša, le a bona, phenyo ye a go e thopa ga se ya tšea nako ye telele. O be a le mosokologi wa go ganetša ditagi, sa mathomo, gomme o hwile ka mengwaga ye masometharo tharo, a le segatamorokwana.

19 Phenyoy ya mohuta woo ga e tšee nako ye telele, ka gore ga se ya thupša gabotse. O ka se kgone go hwetša botse go tšwa go phošo. O swanetše go bapala molao wa papadi gabotse.

20 Gomme yo mongwe le yo mongwe wa lena o a tseba, gore ka diolempiking goba maitšhidullo a mangwe a itšego a tša mabelo, ga go kgathale ge o fihla pele ka lebelong, eupša ge o se wa bapala papadi go ya ka melao, o a ntšhiwa. O swanetše go bapala molao gabotse.

21 Gomme ke ka tsela ye e lego ka bophelo bja motho. O ka se bapale melao ya papadi ya bophelo ka phošo gomme wa letela go fenya. O swanetše go e bapala go ya ka Lentšu la Modimo le morero wo o o tlišeditšwego mo.

22 Bjale, go batho ba bantši kudu ba ba sa bonalego ba na le mohuta wo o itšego wa morero ka bophelong, gagolo ka letšatšing le bjale re phelago ka go lona. Batho ba no bonala ba nagana gore tšohle ba swanetšego go di dira ke go tšwelapele le yo mongwe gape, le difešene tša lefase, le ka dikgokakgoketšo tšeo lefase le ba filego tšona.

23 Go no swana le se, ge o eya sekolong gomme ba bangwe ba basetsana ba apara mohuta wo itšego wa roko, goba roko, goba eng kapa eng o ka e bitšago, yohle tlhologelo sekolo sohle se nago nayo ke go ekiša le mosetsana yoo. Ba bangwe ba basadi ba bona thelebišeng mohomagadi yo a itšego a etla ntle, gomme a apere ka fešene ye e itšego, gabotse, yeo ke tlhologelo ya bona go apara le go dira ka mokgwa woo. Gomme se bonala go no ba magomo a tlhologelo ya Amerika, ke go hwetša mošomo wo moswa, goba go hwetša tlatlošo ya moputso wa gago, le go hwetša thelebišene, goba koloi ye mpsha.

24 A ke bolele se. Dilo tšeo di ka no ba di lokile, eupša go na le ditlhologelo tša godimodimo ka bophelong bja motho go feta dilo tšeo. Gomme Bakriste ba swanetše go bea lerato la bona go ditlhologelo tša godimodimo.

25 Ke a nagana go tla re lefa bohle go dula fase le go nagana gore gobaneng re le mo, lefelong la pele. Gomme mang kapa mang Yo a bilego botho go lekanela go re tliša mo, re swanetše go gopodišiša le go Mmotšiša se A ratago re se dira, morero wa rena go tla, go phethagatša se A ikemišeditšego ka rena. Eupša re bonala re no nyaka go sepela le lefase.

26 Bjale, Beibele e boletše gore re ka kgona go fenya lefase. Gomme re e dira bjang? E sego ka go sepela le difešene tša lefase. Eupša Beibele e boletše gore tumelo ke phenyo ye e fenyago lefase.

27 E nkeletša ka nako e tee yeo ye. . . ga ke nyake go bolela lentšu le, e be e no ba hopo ye ya go tla mojako. Gomme o rile, “A o ka mpha sa—sa sangwetše?”

28 Ka re, “Ka nnete. A o ka tsena ka gare?” Go na le gore ke mo dirile sangwetše, ke ile ka gopola go mo direla se sengwe sa go ja. Gomme go mo direla feela e ka ba eng ke bego ke kgona go dikologa lefelo, le go mmea fase a je. Gomme ge a be a sa ja, ka gopola gore ke be ke tla bolela le yena, ka go bona gore o be a le mo—mo mosepedi. Gomme ke rile, “A o be o etšwa kae?”

29 O no šišinya magetla a gagwe gannyane, gomme a re, “Ga ke tšwe felo.”

Ka re, “Gona o ya kae?”

30 Gomme a emiša go ja, gomme a lebelela godimo go nna, gomme a re, “Ga ke ye felo.” A lebelela go dikologa gomme a metša mokgamo wo mogolo, gomme a re, “Mohlomphegi, feela moo kefa ya ka e khutšago, fao ke mo ke khutšago.”

Ka re, “Ke a bona.” Ka re, “Ke botelele bjo bokae o bego o dira se?”

31 A re, “Oo, masomepedi a mengwaga, goba go feta.” A se ne tlhologelo go—go ikaonafatša ka boyena!

32 Bjale, woo e no ba mokgwatebelelo wa batho. Feela bao ke ba bitšago “batsekelli, baphaphamadi.” Gomme motho yo a tšoenago kereke o no nyaka go swana. Ka mehla ke gopola ka go “phaphamala, legong la go tsekella.” Legong la go tsekella, le no lekelela godimo ga mohuta wo mongwe le wo mongwe wa mašoredi. Go no ba e ka ba ka tsela ye baphaphamadi ba dirago ka kerekeng goba kae kapa kae.

33 Bjale o tšea moela, go swana le moela wa bophelo, gomme dikota tša go tsekella tše ntši di lekeletše godimo ka go mokgobo wo mongwe le wo mongwe wa mašoredi. Gomme, go le bjalo, sekepe se tla mmogo, se dirilwe ka kota, le sona. Eupša ge o ela hloko, kota e dirilwe le go kgolokwa ntle ke makgone yo a agilego sekepe. E sego feela e kgolokilwe ntle, eupša e hlahlilwe ke makgone, gomme e kgorometšwa ke maatla.

34 Gomme rena bohle re dirilwe ka selo sa go swana. Go no ya le gore ditlhologelo tša gago di kitima bjang. A o a rata go dumelela makgone Mmetli go dira, go tšwa go wena, seo A ka se šomišago, le seo A ka se laolago, le seo A ka se matlafatšago?

35 Ge sebetliwa se se itšego se sennyane se se dirilwe go fapana, gomme se betlilwe ke seatla sa makgone, se ka tsoge sa hlaba ka go ngwang wo mongwe go bapa le meetse a go se iše, go na le maatla morago ga sona, poutwana ye nnyane yeo makgone a ka kgona go retolla godimo, le go se kgoromeletša ntle go ya ka meetseng a išago gape.

36 Modimo o nyaka go re kgoloka le go re dira se A re nyakago re eba sona. Eupša re ka kgona bjang go dira seo, goba Modimo a ka kgona bjang go dira seo, ge re ka se tloge ra ema go iketla gore Yena a se dire? Re nyaka go ba beng ba rena. Re nyaka go nagana tsela ya rena beng ya go nagana.

³⁷ Gomme batho ba bantši ba tla ka kerekeng, le go tšoena kereke, le go bea leina la bona godimo ga puku, gomme ebile ga a šetše se kereke yeo e se dumelago, goba go hlodišaša le kereke yeo, ka fao ba rerago Lentšu la Modimo, goba ge eba ba emela Ebangedi ya go tlala goba aowa, goba ba no topa ntle karolo gomme ba oketša thutotumelo. Go phaphamala, go tsekella, ga e bile e lekana le selo.

³⁸ Eupša a ke le botšeng se sengwe, bošego bjo, lena ka gare le ka ntle ga moago wo. Le ya go tatologela godimo ka go bofihlo le lengwe la matšatši a, e ya go ba ka moeding wa merithi ya lehu. Nka go eletša ka iring ye, go lokišetša go kopana le Modimo yo a tla swanelago go kopana le wena ka iring yeo. E tla ba gore o kopana le Yena bjalo ka setšweletšwahlwahlwa se A se šomilego godimo, goba seripa sa go phaphamala sa kota ya go tsekella go ya bofihlong bja gago bja mafelelo. Kafao o se šomiše bophelo bjo go no tsekella go dikologa, le go phaphamala go dikologa, le—le go hwetša mošomo wo mokoaneakaone, le go apara bokaoneakaone, le go hwetša thelebišene ye mpsha, goba—goba koloi ye kaoneakaone. Bophelo bo ra go feta seo. O se ke wa leka go bo šomiša go no re, “Go lokile, ge bohle ba bona ba tšoena kereke, ke tla dira, le nna.”

³⁹ Ge o tšoena kereke, sa pele o swanetše go nyaka ntle, le go hwetša ntle seo kereke yeo e se emelago. A e no ba lefelo leo batho ba yago mmogo go kopanela? Goba, a ke lefelo le le rerago Lentšu la Modimo yo a phelago, le go emela kokwane ye nngwe le ye nngwe yeo Jesu a e hwetšago? O swanetše go dira seo. O se ke wa no phaphamalela ka gare le go ya le lephotho. Ka gore, “Kgoro e pitlagane, gomme tsela ke ye tshese ye e išago Bophelong, gomme eupša ke ba ba sego nene fao ba tlogo go ya ka kua ka yona.” Ka gore, “Tsela ke petleke ye e išago tshenyegong, gomme ba bantši ba tla ba ka go yona.”

Re swanetše go ba le morero wa se sengwe.

⁴⁰ Bjale, go be go se bjalo matšatšing a a fetilego, goba ka letšatšing le, gore ge monna a etla go Modimo, o be a na le morero wa go e dira. Ge morero wa gago e no ba go tsekella le phuthego yela, goba a ke go lebelela godimo go Modimo?

⁴¹ Daniele, ge a be a tšeelwa tlase ka Babilonia, le ge a be a eya kgole go tloga go legae la gagwe, gomme o be a eya go swanelwa ke go ba lekgoba go setšhaba se sengwe sa batho, eupša Daniele o ile a rera ka pelong ya gagwe, go sa kgathale se ba se dirilego go yena, o be a sa ye go itšhilafatša ka boyena ka sebe sa Babilonia.

⁴² Oo, ge re ka ba le banna ba bagale bjalo ka bao, ba ba ka bago le morero ka pelong ya gago, “Ge ke le Mokriste, ke ya go hwetša ntle tšhegofatšo ye nngwe le ye nngwe ye Kgethwa e lego ya ka, le go e tleleima. Ge Beibele e ruta gore nka kgona go amogela Moya wo Mokgethwa, ke ya go dula matolong a ka go fihla Modimo a mpha Moya wo Mokgethwa, gomme e sego feela go tsekella.”

43 Ke be ke bala kanegelo ya bophelo bja Malome Buddy Robinson wa go tšofala nako ye nngwe ya go feta. Gomme o be a le monna yo mogolo kudu, gomme mo—mo monna wa lerato, le monna wa tumelo. Gomme o ile a swarelwa Moya wo Mokgethwa ke tlala, ka gore Beibele e be e o ruta. Gomme e bolela gore letšatši le lengwe o be a lema mabele. Gomme a emiša moula wa gagwe wa go tšofala, Alex, gomme a ya fase ka forong ya mabele gomme a re, “Modimo, ge O sa mphe kolobetšo ya Moya wo Mokgethwa, ge O etla morago lefaseng O tla hwetša marapo a ka a robetše thwi mo.” Ke go ba le morero ka pelong ya gago. Seo ka kgonthe ke go ba tabeng.

44 Ge o na le mohuta woo wa morero ka pelong ya gago, Modimo o ya go bula mafasetere a Legodimo. Se sengwe se swanetše go direga. O swanetše go tsena tabeng le Modimo, le go ba le morero wo mongwe, le tebogo ye nngwe go Yena ge a go phološitše.

45 Gomme ge Daniele a ikemišeditše ka pelong ya gagwe, gomme diabolo a mo dirile gore a e netefatše, eupša re hwetša ntle gore o eme gabotse ka sefahlegong sa tau ya go swarwa ke tlala.

46 Gomme monna yo a ka tsogego a tla go Modimo gomme ka kgonthe, tlase ka pelong ya gagwe, a hwetša tumelo ya go iketla, e tla ema gabotse ka molomong wa lehu, goba ka molomong wa bolwetši, ka molomong wa bohloko. E tla ema gabotse, ka gore tumelo ke phenyō. O fentše ka tumelo ya gago.

47 Abraham, feela monna a se ne morero wo o itšego ka bophelong, feela le tatagwe le bagwera ba gagwe, ba tla go tšwa tlase Babilonia. Ba ile ba dula Seniara, gomme ba bile le tora ya agiwa, le go ya pele. Gomme ba . . .

48 Letšatši le lengwe, ge Abraham a be a rapela, ntle le go kamaka, o rapetše go kgabola, go fihla a ratha seatla sa Modimo. O e dirile bjang? Ka tumelo. Mohlomongwe o naganne ka mokgwa wo, “Ge eba go Modimo Yo a dirilego areka, gomme a dira Noage go phaphamala go kgabola, O sa phela le lehono.” Felotsoko ka lefaseng la bahetene, mo a bego a le mo—mo modiledi, a kgwatha seatla sa Modimo. Gomme ka kua, Modimo o mo file kutollo gore go be go le Toropokgolo yeo Moagi le Modiri wa Yona e bego e le Modimo.

49 Gomme re bala gore, bophelo bjohle bja Abraham, o be a le moeti le mosetsebjē go lefase, ka gore tlhologelo e tee ya gagwe e be e le go hwetša Toropokgolo yeo Moagi le Modiri wa Yona e bego e le Modimo. O rathile se sengwe. O swere Modimo, le tumelo ka go Modimo yo, gore o bonetšepēle Jerusalema ye Mpsha. Gomme o beile morwalo wa gagwe godimo ga legetla la gagwe gomme a ba motlarumi. E sego feela go phaphamala go dikologa, ntle le morero wo o itšego; o bile le tumelo gore go be go le Toropokgolo ye Moagi le Modiri wa Yona e bego e le Modimo,

Toropokgolo ya ka Gosafelego. O bile le morero ka bophelong, go hwetša lefelo leo.

⁵⁰ A nke ke bolele mo, gore, letšatši le lengwe ge ntwā e be e fedile, o kopane le Kgoši ya Toropokgolo yeo. Gomme O mo file selalelo, borotho le beine; Melekitsedeke.

⁵¹ Oo, o ka se kgone go bea morero wa eng kapa eng wa tshepišo ya Modimo, ka pelong ya gago, ntle le go hwetša kgonthe ya yona. Ge soulo ya gago e be e tlaišwa ke sebe le dikamako, le merotoga le methoga le dikgakanegokgolo, gomme go se sengwe tlase ka go wena seo se go botšago gore go na le felotsoko mo o ka kgonago go fenyā seo, gobaneng o phaphamala tikologong gona go tšwa kerekeng go ya kerekeng le go tšwa lefelong go ya lefelong? E no khunama fase go fihla o ratha Legodimo.

⁵² Gomme bjalo ka ge ke boletše bošego bja go feta, go ya bokagodimo ga dithibela modumo, gona o tla ba le morero ka bophelong. O tla ba le morero wa go ba wa kereke. O tla ba le morero wa go kolobetšwa. O tla ba le morero ka go se o se nyakago. Ka gore, re a tseba gore Modimo o a botega, gomme Modimo o a rereša, gomme Modimo a ka se kgone go aketša.

⁵³ Gomme ge Modimo a beile seo ka pelong ya Abraham, ka Lentšu la Gagwe, Lentšu la Gagwe, gona Modimo a beile ka gare, pele ga rena, ka Beibeleng ya Gagwe, le ka bohlatse bja Moya wo Mokgethwa, ka go bowa ga Moya wo Mokgethwa ka maswao le matete, gore Jesu Kriste o sa phela, gomme o a swana maabane, lehono, le go ya go ile. Gona gobaneng re nyaka botelele ka morago ga dilo tšeo re di kganyogago?

⁵⁴ Ge o hloka, tlhokego ye e itšego, eng kapa eng se Modimo a se tshepišitšego ka Beibeleng ya Gagwe, O mo bošego bjo go phetha tlhokego yeo. Ga go bohlokwa go nyaka go ya kgolekgole. Bogona bja Gagwe bo mo. Moya wa Gagwe o mo. Gomme O a rata, le go lokela, le go hlologela go go fa seo o se nyakago. Gobaneng o ka letela botelele bjo bongwe?

⁵⁵ Ge o etla go Yena, o se ke wa tla bjalo ka mophaphamadi, “Ke tla ya godimo le go e leka le go bona ge eba e a šoma.” O ka se tsoge wa ya felo.

⁵⁶ Eupša, ge o etla ka mohuta wo wa maikemišetšo, gore o rekišitše, o notletše, o stokile, le go swinelela; ge o lapile ka lefase, le sebe, le go se dumele, le dikgakanegokgolo, le dikamako, gomme wa tla go Modimo wa go phela, ka sekgwaparetsi ka nnete se tiišitšwe ka go Leswika la Mabaka; Moya wo Mokgethwa o mo go go gogela ka Bogoneng bja Modimo wa go phela, bjo bo tla go fago tumelo ye e tlogo go fenyā se sengwe le se sengwe se lego gona ka lefaseng, bolwetši, go babja, le lehu ka bolona.

⁵⁷ O re, “O rile ‘lehu,’ Ngwanešu Branham.” Gomme seo ke se ke se rago: lehu.

58 A e be e se Latsaro yo a bego a robetše a hwile ka mobung, gomme go bola go šetše go tsena ka gare, ge Jesu a rile go Mareta, “Le mmolokile kae? Gomme ge o ka se kamake, o tla bona letago la Modimo”?

59 “A Nna ga se ka go botša gore o se ke wa kamaka?” O rile go Jairo bošego bjola, goba letšatši lela. “Ge feela o ka dumela, o tla kgona go bona letago la Modimo.” Ka gona tumelo e fenya lehu. Tumelo ke phenyo godimo ga lehu. Tumelo ke phenyo godimo ga sebe. Tumelo ke phenyo godimo ga bolwetši. Tumelo ke phenyo godimo ga matshwenyego. Tumelo ke phenyo godimo ga dikganegokgolo. Tumelo ke phenyo godimo ga lefase.

60 O re, “Johane, ge a be a ngwala seo, o be a se na le mathata a ka. O be a sa swanela go šomana le batho ba ke šomanago nabo. O be a sa swanela go ya go kgabola dilo tše ke di dirago.” Yeo ke nnete.

61 A ka no ba a be a sa swanela go šomana le batho ba go swana. A ka no ba a be a sa swanela go fenya selo sa go swana. Eupša ga se a ke a ba kgafela ka ntle, ka gore o boletše se, “Tumelo ke phenyo ye e fenyago lefase,” selo ka moka. E bjang? Bea tumelo ka go lona. Sepela godimo ga lona. Ge re na le Lentšu la Modimo le le ngwadilwego le robetše pele ga rena, gomme Moya wo Mokgethwa mo o dira le go laetša tsogo ya Morena Jesu, ka ditshepišo tše Kgethwa di ngwadilwe mo, gore, “Eng kapa eng le e kganyogago ge le rapela, la dumela le tla e amogela, gomme le tla e amogela.” Gona o swanela go dira eng? Go ba le tumelo. E seng feela tumelo ya go phaphamala, e sego feela tumelo ya maitirelo, eupša tumelo ya kgonthe.

62 Bjale, tumelo ke phenyotšo. Tumelo ke mofenyi. Ga e no ba mo—mo modirakhutšo. E a fenya. “Tumelo ke phenyo ye e fenyago lefase.” E dira eng? Tumelo ke eng? Ke eng, go “fenya”? Go fenya le phenyo go a swana. Go *fenya*, go ra “go itielana fase; go gataka godimo; go tlema; go lahlela ka kgolegong.” Go ra gore sebe seo se bego se go buša, o a se buša bjale. Go ra gore o se fentše. Ke wena . . . O se otlile. O yo mogolo go feta ka fao se lego. Oo, ke ikwela bodumedi thwi bjale!

63 Ke eng se bilego pele, sebe goba Mophološi? Mophološi, ka gore Mophološi ke yo maatla kudu go feta sebe. Ke eng se bilego pele, mofodiši goba bolwetši. E be e ka se be mofodiši ntle le ge A be a le ka godimo ga bolwetši. Ke mofodiši, E kgona go fenya bolwetši.

64 Gomme tumelo ke phenyo ye e fenyago thogako ye nngwe le ye nngwe ya diabololo. Tumelo ke phenyo. Tumelo ka go eng? E sego tumelo ka go kereke ya gago, e sego tumelo ka go thutotumelo ya gago, e sego tumelo ka go monna yo mongwe. Eupša, tumelo ka go Jesu Kriste Yo a dirilego tshepišo, yeo ke phenyo. Ke eng? Ke phenyo. O re, “Letsogo la ka le sa golofetše.”

Eupša tumelo ke phenyo. “Ke sa ikwa ke babja.” Eupša tumelo ke phenyo. Oo, e fenyā lefase.

⁶⁵ Ge o ka kgona go namelela ka go Modimo, ka thapelo, go fihla o bona selo se fenywa ka tlase ga gago, ga go selo se ka kgonago go go gobatša gona. O fentše. O na le dimaele tše masometlhano tša sekgoba sa sejabana. Gona o sesa ka go lokologa.

⁶⁶ Wena yo o bego o le letagwa le lekgoba la wisiki, o tla ba mong godimo ga gagwe gona. Letimone lela la kgale la alekhoholo le bego le go dira gore o nwe, ke mong wa gago bjale; eupša ge o hwetša tumelo, ga ke re tumelo ya maitirelo, tumelo ya kgonthe, ke mohlanka wa gago gona.

⁶⁷ Lena ba ba sa kgoneng go lahla motšoko, lena basadi le banna, ge go etla go lefelo mo o ka kgonago go fihla go lefelo leo, mo o o fentšego ka tumelo, o tla o laola nako yeo.

⁶⁸ Mosadi yo monnyane a dutšego a le gona bjale, o bile mo aletareng ye, nako ka morago ga nako ka morago ga nako. Mosadi wa go loka, eupša o ile a thoma go kgoga, nako ye telele ya go feta. Gomme ga se a ke a no kgona go o fenyā. Gomme o tlile godimo, gomme ke be ke rapela le yena, go bonala o ka re o be a no se kgone go o fenyā. Gomme se—se selo sa pele le a tseba, ke mmoditše mo, ke rile, “Go tla ba kotsi go theoga tsela.”

⁶⁹ O rile, “Ngwanešu Branham, ke llile, ke kgopetše.” Le a bona, go no ba le maikutlo, go lwa le moya, seo se ka se dire botse bjo bo itšego.

⁷⁰ Gomme ke be ke eya tlase le go rapela le yena, le go bea diatla godimo ga gagwe, gomme o be a eya morago. Gomme—gomme matšatši a se makae, ke be ke tla kopana le yena gape, a no go rapalatša fase ka muši wa sekerete, diatla di sa le tsothwa.

⁷¹ Gomme bošego bjo bongwe, tlase ka kua, o ile go ngaka. A thoma go babja le go šwašwaela, go fihla a no ba selo se sennyane se se sesane. Gomme ngaka ya lebelela ka go yena, gomme a re, “Kankere! Go kgoga disekerete!” O be a le fao, a robotše fao go hwa, nako yeo o ile a ya tlase tabeng. Le a bona? Monna wa go nwelela o tla obeletša mabjang. Ge feela o ka kgona go sepelela ka ntle ga kereke ye bošego bjo, tseba o ka kgona go ya go tšoenā Methodist goba Baptist. Ge feela o ka kgona go dula ka mo le gore, “Bjale ke tla no . . . ke nna motho wa go loka. Ga go selo sa phošo ka nna.” Ya, o ka se kgone go dira selo ka wena. Ke nnete.

⁷² Eupša ge o bona dibe tša gago bjalo ka ge Modimo a di bona, ka seetša sa Beibele ya Gagwe; ge o bona, o tla sokologa goba wa senyega. Se sengwe se tla direga. O tla tsena tabeng.

⁷³ Sepelela ka ntle ga fa, le go swa go dikologa pelo ya gago. Ngaka morago kua mohlomongwe o tla phagamela godimo, gomme a tla godimo, a lebelela, a re, “Ke tlaselo ya pelo.” O tla tsena tabeng.

74 Fao ke ge a ila a swanela go tsena tabeng. Gomme mosadi o dutše, o ntebeletše bjale.

75 Gomme Ngwanešu Roberson o morago kua, le Mna. Wood mo, Ngwanešu Wood o dutše mo felotsoko, le nna, re be re eya tlase go tsuma, ke a dumela, felotsoko, ka lori. Gomme Moya wo Mokgethwa o bonagatše o re tloša go ya kgole godimo go kgabola dikonopo, go ya fao a bego a le gona. Gomme ge ke fihla fao, o be a bile le toro. Gomme ge Moya wo Mokgethwa o tlile ka kamoreng, gomme o ile fase tabeng ka kgonthe, ga se a ke a tsoge a kgoga sekerete go tloga nako yeo go ya pele. Gomme o okeditše diponto tše ntši tša boima, gomme ga ba kgona go hwetša mohlala wa kankere.

76 Ke eng? Ke tumelo ye e fenyago. Gobaneng e be e sa fenye ge ke be ke mo rapelela mo? O be a no phaphasela go dikologa. Eupša ge ngaka a re, “O na le kankere gomme o ya go hwa,” o ile a ya tabeng. Ke ka tsela yeo e swanetšego go ba, ge o e ya tabeng. Gobaneng o leta botelele bjoo? Gobaneng o sa ye fase tabeng bjale? Bea tumelo ya gago ka go Modimo. Go ka reng ge mosadi a be a na le tumelo ya gagwe ka go nna? E ka be e paletšwe, ka gore ke nna motho. Eupša ge a fetotše tumelo ya gagwe, e sego ka go Tabarenekele ya Branham goba ka go William Branham, goba ka go yo mongwe gape, eupša a beile tumelo ya gagwe ka go Jesu Kriste, nako yeo o bile le tumelo. O phagametše godimo bokagodimo ga tšohle dipoiifo le dikamako, gomme Modimo a mo fodiša. Gomme, oo, o fentše. Tumelo ke phenyo ye e fenyago.

77 Ka mehla ke be ke makala, ke eng Bakriste ba nyaka go ikgakantšha ka bobona ka tšona dilo go le bjalo? Banna le basadi ba tla go nna, makga a mantši, gomme ba re, ka go maipolele a bona le go ya pele, ge ke na le dipoledišanotsenelelo tšeo tša sephiri, gomme ba, re kopana le bona, ba šišinyega, ba dira maipolele a go phela maitshwarohlephi le yohle—yohle mehuta. Ka gore, ga ba kgone go e gana; Moya wo Mokgethwa o thwi fao. Ge ba leka go a khupetša, O a tliša thwi ka ntle ga bona. Kafao ba swanetše le bona go bo bolela. Ge ba leka go tšwela ntle, Moya wo Mokgethwa o a ba emiša, o re, “Motsotso feela, selo se sebjalo bjalo sese.” Kafao ge ba etla, ba thoma go mpotša ka dilo tše nnyane tša lefase. Gomme ke e etše hloko magareng ga badumedi. O ya felotsoko. O tsekellela eng? Hwetša tlhologelo ka wena. Bea nepo ya gago go Kriste, gomme tlogela go itekanya le lefase.

78 O tla topela kgatišobaka godimo, e tla re, “Bjale, bafodiši ba Bakgethwa ba letšatši le? Ga go selo se sebjalo ka bafodiši ba Bakgethwa.” Seo se tla bea go kamaka ka monaganong wa gago.

79 Yo mongwe o ya go seyalemoya gomme a re, oo, rera thero ye botse, eupša o re, “Matšatši a mehlolo a fetile,” gomme o tla e thekga. Le a bona, seo se a go fokodiša.

80 Rekiša ntle! Lokiša le Modimo! E ba gore o ba se o lego sona, goba ga o be le gatee. Beibele ya Modimo ga e e rute, gona tloga go yona. Ge E e ruta, dula le Yona.

81 E nkeletše se. Mohlala go ka reng ge re be re eya go tšea leeto le lennyane, matšatši a masometharo go tloga bjale, go ya nageng ye nngwe? Gomme ka nageng ye, tlelaemete e be e makatša, go fihla re ka se tsoge ra bowa morago gape. Gomme godimo kua re ka se tsoge ra swanelwa ke go hwa goba go tšofala, eupša re tla no ba kua go ya go ile. Nka kgona go eleletša le go bona o eya go dikologa go lebenkele la disente tše lesome, o reka godimo bontši bja dihlokaboleng go di tšea le wena? O tla be o leka go fediša dihlokaboleng tše o bilego natšo.

82 Gomme ge o no ikgakantša ka bowena, ka go tšoenana kereke ye tee gomme morago ye nngwe, o tla kgoboketša dihlokaboleng tše ntši. Eupša ge o ka nagana ka fao o yago, o tla fediša bontši bja go kamaka fao le ditšiebadimo. O tla ba le tumelo ya kgonthe. Ke re go batho . . .

“A ke wena Ngwanešu Branham yo a rapelelago balwetši?”

“Ya.”

“Gabotse, seo se kgahlanong le tumelo ya ka.”

“Gona ga o na le tumelo ye e itšego. Beibele e a e ruta.”

Gomme bjale batho ba bantši ba tla ka mothalong wa thapelo, gomme ba re, “Gabotse, ke bile le tumelo yohle.”

“Gona o dira eng godimo mo? Uh-huh. Oo, ga go bjalo.”

83 Tumelo ya kgonthe ga e tsebe go fenngwa. E ka se kgone go fenngwa. Le lehu ka bolona le ka se kgone go e fenya. Ga e tsebe go fenngwa. Meleko e tseba go fenngwa, eupša tumelo ga e tsebe go fenngwa. E ka se kgone go fenngwa. Gomme ke tsela e nnoši ye o ka kgonago go thabiša Modimo. “Ka gore ntle le tumelo ga go kgonego go thabiša Modimo,” go boletše Bahebere 11.

84 Gomme ka lefelong le, a nka go eleletša o eya go dikologa, ba bangwe ba lena Bakriste ba go šomiša tsotsitala, o šomiša a go hlaba, a ditšhila mantšu, gomme go le bjalo o le wa kereke? A nka kgona go go eleletša o eya godimo go naga ye nngwe, gomme ka gona o eya go dikologa go kgabola Amerika, o ithuta yohle tsotsitala ya Amerika ye o e tsebago, o kgona go kwa ka yona? Nnete, o ka se ke. Selo se o tla bego o leka go se dira, o tla be o ithuta mantšu a se makae a leleme leo godimo kua, yeo ke nnete, bontši go swana le, “O dira bjang?” go le bjalo.

85 Gomme ke a nagana go tla—go tla swanela Bakriste kudu, lehono, ge ba be ba leka go ithuta leleme le lengwe la Legodimo, ditumišo tša Modimo, tše re yago go di opela godimo Kua, le go ipshina. Gomme batho ba ba sa dumelego go go goeela, o ya go dira eng ge o fihla godimo Kua? O tla ba ka ntle ga lefelo kudu. Bokaonekaone hwetša tumelo, gomme o fenye bjale, ka

gore tumelo ke phenyo ye e fenyago. Aowa, o be o ka se kgwathe dilo tše nnyane ka mokgwa woo. O be o tla be o na le phenyo.

O re, “Ke e dira bjang, Ngwanešu Branham?”

⁸⁶ Gobaneng, go bonolo kudu. E no ba . . . Bjale, ka dikopanong mo, o makala gore o neela bjang mo, bjang . . . Batho ka moagong, ga ke tsebe ba bantši, gomme ka dikopanong tša ka nako ye nngwe ga ke tsebe yo motee, le maleme a go fapana. Eupša ke dira bjang—ke e tseba bjang? Ke go neela bowena. Go no neela bowena godimo go Moya wo Mokgethwa, ka morago ga e sa le wena gape. Ga o tsebe se o yago go se bolela. O no Mo tlogela a dire polelo. Go bonolo bjalo ka se.

⁸⁷ Ba bantši ba lena batho le na le tumelo ka go dingaka tša lena. Gomme le swanetše go ba nayo, ge o na le ngaka. Gomme bjale ge se sengwe se fošagala ka wena, o tla ya go nyaka yela ya kgale ya go tšhepagala o dumelago ka go yona. Seo ke se o swanetšego go se dira. Ke mo gobotse. Gomme ka gona o neela bothata bja gago go yena. Ge a bolela gore o swanetše go ya sepetlele, ga o dire selo eupša o ya gae gomme o phutha diaparo tša gago gomme o a tloga o ya sepetlele. Nnete. O na le tumelo ka go ngaka. Ge a sa tšee sephetho gore o nyaka go ya sepetlele, goba o swanetše go ya, a ka re, o tla ngwala ntle taelotšhomišo gomme a go fa mokotla wa go tlala dipilisi. Gomme o tla di metša, gomme ga o tsebe gore go eng ka go dipilisi tšeo. Eupša o na le tumelo ka go ngaka ya gago.

⁸⁸ Go reng ka Modimo? Gomme o boifa go metša tše dingwe tša Diebangedi tše A go fago. “Ka megogoma ya Gagwe le fodišitšwe.” “Tumelo ke phenyo ye e fenyago lefase.” E metše gomme o bone se se diregago. Ke kholofelo.

⁸⁹ O laetša kholofelo ye o nago nayo ka go ngaka ya gago, ka go nwa sehlare sa gagwe, se o sa tsebego gore ke eng. O laetša kholofelo ya gago ka go ngaka, ka go ineela ka bowena go karo. Seo se netefatša kholofelo ya gago ka go ngaka.

⁹⁰ Eupša ge go etla go Kriste, o a boifa go Mo tšea Lentšung la Gagwe. E bjang? “Tumelo ke phenyo.” O ka kgona go neela bothata bja gago go Jesu Kriste, bošego bjo, go no swana le ge o neela bothata bja gago go ngaka. “Mphe se sengwe le se sengwe O nyakago, Morena. O Ngaka go bothata.” Ka gona o na le phenyo. Gona o na le tumelo ye e fenyago. O ka se tsoge wa tsoma mothalo wo mongwe wa thapelo. O ka se tsoge wa tsoma se sengwe gape. O tla ba le sona thwi fao. Se tla rarollwa sohle. O ka se tsoge wa taboga go tloga kerekeng go ya kerekeng, go bona ge e ba ye tee *ye* e nayo, goba e tee *yela* e nayo, *ga* ba nayo. O nayo gona. Ge o na le tumelo, o na le phenyo.

⁹¹ Ke go botša se re se hlokago bošego bjo ka Amerika, le se re se hlokago bošego bjo ka tabarenekeleng ye, ke go dumelela Ngaka Jesu go tla ka gare le go dira karo godimo ga tumelo ya rena.

⁹² Ngaka o a go botša, “O na le lelanalenyane, lohle le na le mpholo. Le swanetše go tšwela ka ntle. O na le *se, sela*, goba se sengwe, se fošagetše. Se swanetše go tšwela ntle.” Gabotse, o le ntšhetša ntle gore bobjohle bja gago bo šome gabotse.

⁹³ Gomme molato ke eng bošego bjo ka tumelo ya rena? Re boifa go dumelela Modimo go tšea Lentšu la Gagwe la go dira karo, Thipa ya Gagwe, ye bogalegale go feta tšhoša ya magalemabedi, le go re dira karo, le go re botša gore bofora bja rena bjo bonnyane bja go hloka mohola tikologong bo fošagetše. Gomme re swanetše go tlemolla tlemo ye nngwe le ye nngwe, gomme re sesela go go ya go tshepišo ya Modimo ya ka Gosafelego. Oo, ge re ka dira seo, Jesu o tla dira karo godimo ga tumelo ya rena, a tšea go tloša go kamaka gohle, matšhogo wohle, le matshwenyego wohle, sebe sohle, se sengwe le se sengwe se lego fao. Gomme ka gona ge tumelo ya rena e karilwe gabotse, re tla ntle re le sebopiwa se seswa. Re a fapana nako yeo. Re hloka karo. A o ka tshepa Jesu Kriste bakeng sa karo yeo? A o ka kgona go dumela ka go Yena? A o ka kgona gore, “Morena Modimo, ka Lentšu la Gago?”

⁹⁴ “Ka Lentšu la Gago,” bjalo ka ge barutiwa ba boletše ka go Mokgethwa Mareka 5. Ge ba rile, “Re reile bošego bjohle, gomme ga se ra tšea selo. Le ge go le bjalo, Morena, ka Lentšu la Gago, ke tla theoša nnete,” gwa realo Petro.

⁹⁵ “Morena, ke nna monna wa dihlapu. Ke tseba maswao ge ngwedi o no ba gabotse. Ke tseba nako ye di lomago, le ge di sa dire. Ke tseba ge di le ka dikolong tša tšona, le ge di se gona. E sego feela seo, eupša ke reile bošego bjohle. Gomme go khantshela ya dingaka mo le nna, ngaka banna ba dihlapu, gomme re tseba kgwebo ya rena. Gomme re purupuditše moela wo bošego bjohle botelele, gomme ga se ra tšea selo. Eupša ka Lentšu la Gago, Morena. Ke tla theoša nnete.”

⁹⁶ Ka gore mmu—mmu Mmui mogolo o boletše bjalo! Ngakakgolo o boletše bjalo! Gomme ba gogola bontši bjo bjalo bja dihlapu go fihla dinnete tša bona di thoma go kgeiga. Gobaneng? Tumelo ke phenyo. Go ka no ba ebile go be go se hlapi e tee ka meetseng. Eupša ge Modimo a dirile tshepišo, O tla hlola dihlapu gomme a di bea ka kua.

⁹⁷ Go ka no ba go se sebaka sa gago sa go phela. O ka no ba o ehwa ka kankere. O ka no ba o tlemeletšwe setulong sa mabile. O ka no ba o foufetše ka go felela. Ga ke tsebe gore bothata bja gago ke eng. Eupša ge o ka tšea taelotšhomišo ya Ngakakgolo, “Eng kapa eng le se kganyogago ge le rapela, dumelang le a se amogela, gomme le tla ba naso.” Gomme dumela gore tumelo yeo e tla fenya bothata bofe kapa bofe bo lego fao. O ka be o imetšwe ka sebe bjalo go fihla soulo ya gago e kgamathetše ka mo e kgonago go ba. O ka be o lekile go fediša go felafela pelo fao, leleme lela la go fafatla, lesebo lela mogaleng. O ka no ba o lekile kalafi ye nngwe le ye nngwe o tsebago gore bjang. Eupša

ge o ka no dumelela Jesu Kriste go tla ka go wena bošego bjo, O tla dira karo godimo ga tumelo ya gago, gomme a go fa tumelo ye e tla namelago ka godimo ga se sengwe le se sengwe lefase le ka kgonago go se tšweletša. Gobaneng? Tumelo ke phenyo ye e fenyago lefase.

⁹⁸ O ka kgona bjang go kamaka, ge Jesu Kriste Morwa wa Modimo wa go phela a le gona mo bjale? Moya wo Mokgethwa wo mogolo wa Gagwe ka moagong wo. Lentšu le tshepišitše, gore, “Bonang, Ke na le lena ka mehla, le go fihla bofelong bja lefase.” Le tshepišitšwe ke Morena. Modimo o swanetše go boloka Lentšu la Gagwe. A le dumela seo? [Phuthego e re, “Amene.”—Mor.] Ge A tshepišitše gore O tla dira dilo tše, Modimo o tlemegile ka kenokgethwa go dira seo.

⁹⁹ Bjale ke nyaka o nagane go e fetša. Ge o na le sebe, ge go le eng kapa eng ya phošo ka bophelong bja gago, ke nyaka o nagane go e fetša, ge re inamiša dihlogo tša rena nakwana feela bakeng sa thapelo.

¹⁰⁰ Pele re rapela, ke rata go botšiša potšišo ye. Ke rata go botšiša ge eba go monna, mosadi, mošemane, goba mosetsana, yo a lego ka moagong wo, yo a tla boelago ka seatla se se phagamišitšwego, “Morena, go bonala ke no se kgone go fenya. Go bonala o ka re ke a tseba gore ga ka swanela go dira dilo tše. Ke—ke a tseba gore ga ka swanela go dira *se* le *sela*. Eupša ke nyaka O dira karo godimo ga tumelo ya ka thwi bjale, ka morago ga Molaetša wo. Ke nyaka O mphe tlhahlobo godimo go felela, le go dira karo godimo ga bolwetši bjo bongwe le bjo bongwe bjo bonnyane bja tumelo ya ka, bjo bo ka nthibelago go fenya dilo tše.” Swanela seatla sa gago godimo go Yena. A o ka e dira? Morena a go šegofatše. Lefelo le nno tlala diatla! Bonnyane . . .

¹⁰¹ “A re beeleng thoko boima bjo bongwe le bjo bongwe, le sebe seo se re nyamišago gabonolo, gomme re kitime ka kgotlelelo lebelo le le beilwego pele ga rena, re lebelele Mophomi le Mofetši wa tumelo ya rena, Morena Jesu Kriste.”

¹⁰² Ke ba bakae ka mo, ba ba babjago le go hloka, a o ka phagamišetšago seatla sa gago godimo gomme wa re, “Morena, dira karo godimo ga tumelo ya ka. Ke na le tlhoko bošego bjo, Morena?” Modimo a go šegofatše.

¹⁰³ Tumelo ke phenyo. Re hwetša bjang tumelo? “Tumelo e tla ka go kwa, gomme go kwa Lentšu la Modimo.”

¹⁰⁴ Bjale go lena ba le hlokago, soulo ya sebe. Nka se kgone go dira pitšo ya aletara, go le dira le tle godimo mo aletareng, bjalo ka fao fešene ya tabarenekele e lego, ka gore ebile ga go sekgoba. Go na le batho ba ba emego go dikologa maboto. Go na le batho bao ba lego—ba lego godimo ga dialetara mo, gomme ke lefelo feela mo re ka se kgonego go e dira. Eupša ke ya go le rapelela bjale. Gomme e nong go neela bolena go Kriste feela ka go iri ye, ge ke rapela.

¹⁰⁵ Morategi Modimo, re tla kgopela kgaogelo ye Kgethwa ya Gago godimo ga disoulo tše tša go leta tša go loka tše di dumelago gore O gona, gomme o moputsi wa bao ba Go nyakago ka kgonthe. Gomme ke tla kgopela Wena go ba le kgaogelo go bona, Morena. Gomme eng kapa eng e lego fao, kankere ya go kamaka, kankere ya go felafela pelo, go phera ga go se dumele, e ntšhetše ntle bjale, Morena, gomme ba fe Moya wo Mokgethwa. Tlatša soulo ya bona ka go loka ga Gago. Ba kolobeletše ka mmušong wa Gago feela bjale, ge ba phagamišeditše diatla tša bona ka go boipolelo bja tumelo ya bona. Gomme ke kgopela Wena, O Modimo wa kgaogelo, go dira se go bona.

¹⁰⁶ Ka gore ba fetotše dikgopolo tša bona tša—tša go tsekella go dikologa godimo ga lewatle. Ba swanetše go tla ka go bolokišetšadikepe gomme ba matlollelwe ntle ke mong Moagi, le go dirwa sebopiwa seswa ka go Kriste Jesu, le go matlafatšwa ka Moya wa Gagwe, go bušwa ke thato ya Gagwe. Kafao e fe go bona feela bjale, Tate, ge ka go kokobela re kgopela Leineng la Jesu, Morwa wa Gago.

¹⁰⁷ Gomme bjale, Morena, fao go bile diatla tše ntši tše di ileng godimo ka moyeng, goba tše di ileng godimo ka moyeng. Ba lemoga gore ba bile go tloga lefelong go ya lefelong, bontši bja bona. Ba otlētše dimaele tše ntši go kgabaganya di—di dinaga, go tla go motho yo bjalo bjalo yo a rapelelago balwetši. Gomme ba tlile, mohlomongwe, ditsela tše telele go theogela mo. Gomme ke leboga seo, Morena. Go ka reng ge ba se ba dumela ka go nna, bjalo ka mohlanka wa Gago? Gona ba ka be ba se ba tla. Ke leboga Wena go ba dira go ba le tumelo ka go thapelo ya ka.

¹⁰⁸ Morena Modimo, ka tlhokofalo ke rapelela yo mongwe le yo mongwe feela bjale, gore Wena, Modimo yo mogolo wa Legodimo, o tla sepediša Moya wo Mokgethwa wa Gago ka bophelong bja bona, gomme o tla ripa go tloša go se dumele mogongwe le mogongwe. Ba dire ba tsebe gore ke, “Tumelo ke phenyo.” E sego motho yo mongwe lefaseng, e sego kereke ye nngwe, goba thapelo ye nngwe go tšwa go monna yo mongwe, tšeo tšohle di a thuša, eupša tumelo ke phenyo.

¹⁰⁹ Re bala fao Morwa wa Gago, Mophološi wa rena, “A ilego ka nageng ya Gagwe Mong, gomme go bile bao ba rilego, ‘Moisa yo ke mang? A ga se morwa wa mmetli? A re a Mo tseba le mma wa Gagwe? Gomme leina la gagwe ke Maria. Gomme Jude šo, le Jona, le dikgaetšedi tša gagwe.’ Gomme ba kgopilwe ke Yena. Gomme A tlabega ka go se dumele ga bona, gomme a se kgone go dira mediro ye maatla.”

¹¹⁰ Re a lemoga, ga go tshwenye gore motho a ka ratwa bjang pele ga Gago, go le bjalo tumelo ya rena beng ke phenyo. Ke a rapela, Modimo, gore O tla dira monna go tšwa ka go ye, le go laetša Bowena mo bošegong bjo, moo tumelo e beilwego gare ga dikokwane tša tšogo ya Morena wa rena. Yena ga se a hwa, eupša

O phela go ya go ile. Gomme O dirile tshepišo, “Ke tla ba le lena, ka mehla, le go fihla bofelong bja lefase.” Gomme re a dumela gore O fa.

¹¹¹ Gomme re a rapela, Morategi Modimo, gore bošego bjo, gore O tla itaetša ka Boyena a bonala, a le gona. Gomme a nke Moya wo Mokgethwa o sware pelo ye nngwe le ye nngwe, le go dira karo godimo ga tumelo, gore ba kgone go fenyā malwetši a bona, le ditlaišego tša bona, le mefokolo ya bona. Ba ye ka ntle ga fa ka tumelo ye e dutšego, go sa tshwenye, ge selo se tee se sa direge, go le bjalo se tla hlola tumelo ye e rego se dirilwe. Yeo ke phenyo. E fenyā lefase. Ka gore re e kgopela Leineng la Gagwe le bakeng sa letago la Gagwe. Amene.

¹¹² Ke no se kgone go bona ka fao nka kgonago go bitša mothalo wa thapelo. Ka gore mojako wola ke semenyamenya go ya ka mokgotheng, gomme mo ke semenyamenya go ya ka mokgotheng, le go dikologa mafasetšere, go dikologa mejako, le godimo mo. Nka e leka, ge le rata ke e dira. Nka—nka leka go bitša mothalo wa thapelo.

¹¹³ Eupša ke tla bolela se, ka morago ga selo se. Ke rerile phenyego go nna mong. Ke a dumela, ge o ka no ba le tlhomphokgolo, le go no tšea tumelo yohle ye o nago nayo, bjalo ka tumelo ya motho, gomme wa e retollela godimo ka diatleng tša Modimo, le gore, “Bjale, Morena, tšea bonnyane bja ka ke swanetšego go bo fa Wena, gomme dira tumelo ya Gago e tle go nna,” ke a dumela gore O tla go fodiša, gomme a ntumelele go go bitša thwi ntle go tšwa sefaleng se, ebile ntle le go tla godimo mo le gatee. A le ka dumela seo? [Phuthego e re, “Amene.”—Mor.] Eupša ge o na le karata ya gago ya thapelo, kadiela go yona, re ya go e šomiša, go le bjalo. Kafao, re a dumela. Bjale, ke rata . . . Seo se sa tšwa go tla bjale kgopolong ya ka.

¹¹⁴ Ka gore, Billy Paul o mpoditše feela ge re etla ka gare, metsotso e sego mekae ya go feta, o file ntle dikarata tša thapelo gape bošego bjo. Ka gore, re tšere godimo sehlopha kudu bošego bja go feta. Gomme o rile, “Go be go le bangwe ka kua, papa, ba ba bego ba nyaka dikarata tša thapelo. Gomme ke ba file dikarata tša thapelo.”

Ke rile, “Go lokile.”

O rile, “Eupša o ya go bitša bjang mothalo wa thapelo?”

¹¹⁵ Nako yeo lešaba le be le le morago kua. Bjale ba tsela yohle go rarela mahlakore. Kafao ga go tsela ya go e dira, go bitša mothalo wa thapelo. Ga re . . .

¹¹⁶ Phapano ke eng ya ge wena o eme mo, goba o dutše mo o lego? Eupša go ya go tšea tumelo go dira seo. Go ya go tšea tumelo ya gago, le tumelo ya ka, le tumelo ya Modimo. E hlakanye mmogo, gomme tumelo ya ka le ya gago di tla timelela ntle, gomme tumelo ya Modimo e tla buša, gomme mediro e tla dirwa.

¹¹⁷ Ke no nyaka go le botšiša se, godimo ga motheo woo. A le dumela se go ba Lentšu la Modimo? [Phuthego e re, “Amene.”—Mor.] Le ka se aketše, gona, ge e le Lentšu la Modimo. Le swanetše go ba therešo. Gona, ge e le Lentšu la Modimo, gomme e le therešo, gona O tlemegile go Lentšu le lengwe le le lengwe leo A le boletšego mo. O tlemegile go boloka Lentšu leo.

¹¹⁸ Bjale, ge o be o babja gomme o be o ehwa ka leukemia, goba kankere, goba e ka ba eng o bilego le yona, bolwetši bja mafahla. Gomme wa tla godimo mo, gomme re tlišitše badiredi bohle ba re bego re ba tseba, ka moagong, gomme ra ba tliša mo ba ba rapelela, yo mongwe le yo mongwe wa lena. Go le bjalo, ntle le ge wena ka bowena o na le tumelo, e ka se šome. Le a bona?

¹¹⁹ Eupša ge yo mongwe a be a ka fodišwa, mohlomongwe ka morago ga ge le etše hloko, bao ba fodišwa goba ba tleleimile gore ba fodišitšwe, seo se tla thuša tumelo ya gago, ka gore o tla bona ba fodišitšwe.

¹²⁰ Ka Durban, Afrika Borwa, kgauswana, ke be ke rapela gomme ba tliša motho o tee sefaleng. Gomme le tseba kanegelo. Ke e boditše ba bantši ba lena. Kafao mosadi yo motee a fodišitšwego kua, e le wa Mohommed. Gomme ba nno ya go ba bantši ka ntle ga setšhaba se sengwe le se sengwe. Tšeo, ditšhaba tše dingwe tše masomepedi, goba go feta, di be di le fao. Gomme ge go etla go lefelo, go mošemane yo a tswetšwego, a koraletše, a sepela ka diatla tša gagwe.

¹²¹ Gomme ge Moya wo Mokgethwa o thoma go mmotša. O be a le mo—mo Mozulu. Gomme ge Moya wo Mokgethwa o thoma go bolela, le go botša monna yola, mokgothu wa Moafrika, o be ebile a sa tsebe gore sa go ja le sa ngele seatla ke sefe. Gomme ebile wa mmotša gore o be a le mang. Ba dutše godimo. Gomme dingaka moloi tša emelela, di gakgametše. “Selo se seswa se ke eng?” ba boletše. Gomme dikgoši tšeo di bego di futhelwa ka difene, tša dira difene di eme.

¹²² Eupša O rile, “Ka ngwakong wa gago wa bjang ka mo o dulago, go na le senepe sa Morena wa ka, se lekeletše lebotong.” Gomme tatagwe le mme, tsela morago kua, ka makgolo le dikete tša batho, ba phagametše godimo go paka therešo.

¹²³ Gomme wa re, “Bjale, gore, o na le ngwaneno yo a namelago pudi ye serolwana goba mpša, gomme o gobetše leoto la gagwe, gomme o sepela ka lehlotlo. Gomme o gona mo kopanong. Eupša tumelo ya gagwe feela bjale e fentše, gomme o fodile.” Ka gore gobaneng? Letšhogo lela la monna yo mošweu, o be ebile a sa kgone go bolela leleme la gagwe, o kgonne go mmotša gore o be a le mang, le se se diregilego. E be e le maatla a mohuta mang ao?

¹²⁴ Gomme mošemane o kwele seo ka mofetoleli, gomme a lahlela mahlotlo a gagwe fase. Gomme šo o a tla, a kitima le go taboga, ka lethabo.

125 Gomme ge ngwanabo, yo a bego a sa kgone go tseba sa go ja le sa ngele seatla ke sefe, eupša a gopola gore ke be ke leka go mo dira a dire mmi—mmi mmino, mmino wa setšo. Ge a bona ngwanabo a kitima le go taboga, go dirile se sengwe go yena. Gomme o fetile dišitiši tša sebe tša go se dumele. Gomme ke ile ka lebelela morago, gomme fao go be go le pono, yeo ya go mmošša gore a eme ka maoto a gagwe. O be a fodile.

126 Gomme mošemane, ebile a se ne bohlale go lekanela, le menagano go lekanela, go tseba se ke se boletšego, ka morago ga ge mohlatholli a mmoditše. Gomme o be a na le ketane molaleng wa gagwe. Gomme ka swara ketane, gomme ka re, “Jesu Kriste o go dira o loke. Emela godimo.” Mošemane yola a tswetšwego a tlaišegile, a ema ka maoto a gagwe. E sego feela seo, eupša ka monaganong wa gagwe wa maleba. Megokgo e kitima go theoga mpa ya gagwe ye ntsho. Gomme letago la Modimo la wela godimo ga lefelo leo fao, go fihla dikete tše masomepedi tlhano tša bahetene ba batala ba fodišwa ka nako e tee.

127 Ba dirile eng? Mosong wo o latelago, ke be ke dutše lefasetereng, ka morago ga ge meyara wa toropokgolo a tlile, a re, “Bogela ntle lefasetereng lela. O na le sa go makatša.” Gomme mosong wo o latelago, mo go tla dilori tše šupa tše kgolo tša dikgomo di tletše mahlotlo, le ditulo tša mabili le dilo, di sepela tlase. . . Di eya go theoga mokgotha, le batho ba ba bego ba le ka go tšona, bošego pele, ba sepela go theoga mokgotha. Mazulu, le Mashungi, Basotho, le Mathosa, le ka moka mehlobo ya go fapana ye e bego e elwa seng; ba be ba le khutšong, seatla ka seatla, ba opela, “Tšohle di a kgonega, dumela feela,” ka leleme la setho la bona beng.

128 Ke ile ka emelela go tloga lefasetereng, gomme ka bea diatla tša ka gare ka moyeng, gomme ka araba morago, “Mogau wa go makatša, modumo wa go kwala bose wo o ka phološago mošokiši wa go swana le nna.” E be e le ponagalo ya letago mahlo a a ka a nyakilego go tsoge a e bona, go fihla ke bone Morena ka ponong, ka nako.

129 Ke eng? E hudua se sengwe. Bona batho ba be ba se ka go diphaphamadi. Ba be ba se ba ke ba no kwa pele. Gomme ge ba kwele, feela ka bonolo bja go swana le bja ngwana, ba ile ba no e tlimarela. Seo ke sohle se bilego fao. Ba nno. . . Ba ile ba se swanele go ba le karo ye e itšego. Ba nno e bona gomme ba ya ka morago ga yona, gomme e be e le ya bona. Go be go se yo mongwe a bego a ka kgona go ba botša phapano ye e itšego; ba e bone e direga.

130 Bjale, ge e ba Morena Jesu o sa phela, gomme o mo ka Jeffersonville, Indiana, ka go United States of America tše, ge A sa no ba Modimo wa go swana a bego a le mo bošego bjo bongwe, go fa moreri yola wa sefofu pono ya gagwe. Ke Yena Modimo wa

go swana yo a fago ngwana yo monnyane yola wa leukemia, a bego a ehwa, ge dingaka mosong wa go latela ba mmegile go fola.

¹³¹ Feela kgauswana, ke bile le sengwalwa sa yona thwi fa, ke a dumela, ka go e tee ya dipuku tše. Ga ke na le nnete. Ke be ke no e bala letšatši le lengwe, gomme ke a nagana ke e beile morago ka go tše dingwe tša dilo tše mo. Nka no se be . . . ga ke ne nnete. Eupša ke be ke bala sengwalwa go tšwa go e tee ya . . . Še yona, thwi mo. Ye tee ya maphepha godimo mo ka—ka Mich- . . . Goba, gabotse, e be e le go khampheine ya ka ya mafelelo godimo mo, sengwalwa ka lephepheng. Fao go be go le mosadi, ke . . . E be e le ka Burlington, Vermont. Gomme gohle o be a nyamišitšwe. O be a se a hwetša karata ya thapelo go tšwa go bašemane letšatši leo. Gomme Gene, le Leo, le Billy, le ba bangwe ba tla ba mo, bao ba bego ba le kua. Gomme o be a dutše tsela morago, gomme gohle ka bjako . . . O ile a makala gore gobaneng a se a kgona go tsena ka mothalong wola wa thapelo.

¹³² Gomme motho wa mathomo o tlile godimo, gomme O rile, “Wena o Mdi. *Semangmang*, go tšwa lefelong le le *itšego*, gomme se sengwe, se sengwe se diregile.”

¹³³ Thwi nako yeo a šwahla go kgabola sešitiši seo. O rile, “Ke tsebile mosadi yola. Gomme ke a tseba yeo ke therešo.”

¹³⁴ Go se fete go nagana seo ka pelong ya gagwe, go fihla Moya wo Mokgethwa wo mogolo o mpileditše tikologong, le gore, “Mdi. *Semangmang*, a dutšego *mo*,” tsela morago, bokgole bja moago wo gabedi. “Mohumagadi yo monnyane ka mafelelong, a aperego roko ye tala.” A re, “Wena o Mdi. *Semang*,” leina le lebjalo. A re, “O tlaišega ka bolwetši bja go wa. O na le ditlhaselo tše nne goba tše tlhano letšatši ka letšatši.” Gomme a re . . . Gomme a taboga go maoto a gagwe. Yoo e be e le yena. Gomme o be a maketše kudu, ga se a ke a tseba gore a dire eng.

¹³⁵ Gomme a re, “E sego seo feela, eupša o nyamile kudu ka gore monna wa gago o ka Sepetlele sa Matšwalaphaga, gomme fao ka nepagalo ba tlošitše mogodu wohle wa gagwe. Gomme bjale bolwetši bo ile ka go karolo ye nngwe ya mmele wa gagwe, gomme ga go sebaka go yena go phela, go bolela dingaka.” Gomme yena, megokgo e kitima go theoga marama a gagwe, ge lephepha le hlatholla, a phagamiša diatla tša gagwe, gore yeo e be e le therešo.

¹³⁶ Feela nako yeo, ka ponong, ka mmona a etla gae. Gomme ka re, “GO RIALO MORENA. Se tshwenyenge. O tla ba gae, a fodile.”

¹³⁷ Gomme mosong wo o latelago, ge a eya ka gare go hlahlofša, bakeng sa karo gape, ge sekutu se segolo sela sa bolwetši bja Hodgkin se be se thulega go kgabola mmele wa gagwe. Dingaka . . . O rile, “Ga ke kwe le sekutu se se itšego.” Gomme dingaka tša mo hlahlofa, tša se kgone go hwetša sekutu se se itšego. Ba mmea ka fase ga x-ray le go tšea teko ye nngwe le ye

nngwe, gomme o be a fodile ka go phethagala. Gomme a tla gae letšatši le le latelego, gabotse le go fola.

¹³⁸ Gobaneng? Tumelo ke phenyo. Ga go karata ya thapelo, ga go diatla di beilwe godimo, ga go selo, eupša tumelo ke phenyo ye e fenyago tšohle. Yeo ke tsela.

¹³⁹ Kopano ya ka ya mafelelo ka Chigago, go be go le mohumagadi wa lekhalate a eme sefaleng. Ke—ke kgopela tshwarelo ya lena, ke a dumela e be e le mosadi yo mošweu yo a bego a eme sefaleng.

¹⁴⁰ Gomme bošego pele, mosadi wa mokgekolo wa Moswedish o be a le fao, gomme Billy o mmone a fihlelela fase gomme a bea bokaalo bja tšhelete ka go moneelo wa Ngwanešu Osborn, go Afrika ya gagwe, pitšo ya Gauta ye Ntsho, khampheine ya gagwe. Gomme Billy o rile go nna, “Go tla bjang mosadi yo monnyane yola wa go šokiša, a aperego roko yela ya go lebega dipatso, go tlile bjang gore a tsoge a na le tšhelete ye kalo go bea ka kua moneelong?”

¹⁴¹ Gomme ge Billy a thomile go ya ntle, o rile, “Mphe karata ya thapelo, hani.”

¹⁴² A re, “Ga ke sa na le ye e itšego gape.” O ile godimo go Gene goba Leo, yo motee, a bego a di fa ntle, gomme a kgopela. Ba be ba se sa ne natšo.

¹⁴³ Kafao o rile, “Kgaetšedi, ke tla go bona gosasa bošego le go go fa e tee.”

¹⁴⁴ A re, “Go lokile, hani,” gomme a ya godimo ka lebatong la ka godimo felotsoko gomme a dula fase. Ga se ka ke ka tseba ka yona.

¹⁴⁵ Ka morago ge ke etla ka gare, sefaleng bošego bjoo, gomme yo motee wa basadi o be a le sefaleng. . . O be a dutše godimo kua, gomme a šwahla go kgabola sešitiši, go ya ka lefelong moo Modimo a šomilego godimo ga tumelo ya gagwe. Fao, ge a thutše lefelo lela, O rile, “Mosadi yo monnyane yola a dutšego tsela godimo ka kua, ka lebatong la bobedi, motho wa bobedi ka gare, ka ye nnyane yela, a aperego roko ya tšheke, leina la gagwe ke Mohumagatšana *Semangmang*, le *semang*. Gomme o rapelela monna wa gagwe yo e lego molokollaphahlo wa tsela ya ralawene; sefowa ka tsebeng e tee.” Gomme o nyakile a idibala. O be a le Molutheran. Gomme ge a fihla gae. . . Gomme Morena o rile, “GO RIALO MORENA. O fodile.”

¹⁴⁶ Ge a fihla gae bošego bjoo, o be a eme mojakole, a thakgetše. Gomme ka wona motsotso woo wa go swana, tsebe ya gagwe ya tla go bulega, ge a be a dutše setulong ka ofising ya molokollaphahlo.

¹⁴⁷ Mosadi wa lekhalate o be a dutše ntle kua, a bona seo, gomme a dumela. Gomme o be a dumelela samme wa gagwe yo a bego a le mengwaga ye lesome ka lefelong la menagano ka Little Rock,

ka polokegong ya digafa. Gomme Moya wo Mokgethwa wa tla go yena, le go mmotša gore o be a le mang, le gore samme wa gagwe e be e le mang. Gomme wa re, “O be a le legafa le lesehla, a thulaganya hlogo ya gagwe kgahlanong le leboto, lebaka la mengwaga ye lesome. Eupša, GO RIALO MORENA, o sa tšwa go fola.”

148 Gomme mosong wo o latelago, ge ba eya go kgabola mojako, matrone o mo hweditše a eme mojako, a kgopela go tšwela ntle, ka go wa gagwe wa go felela, wa maleba monagano. O rometše lentšu go samme wa gagwe, Chigago, gomme a goellela ntle. O rile, “Modimo wa Dikgaogelo! Seo ke se se boletšwego sefaleng bošego bja go feeta!” O rile, “Moratwa, ke a tseba ga o na le tšhelete, eupša ke tla go romela thekethe ya sefofane thwi ka bjako. Etna mo. Kopano e tswalelwa gosasa bošego.”

149 Gomme mosadi yo a bego a le lefelong la monagano, mengwaga ye lesome, bjona bošego bjo bo latelago a ema godimo ga sefala gomme a fa tumišo go Modimo Ramaatlakamoka.

150 E be e le eng? Samme wa gagwe o phuleleditše go kgabola lefelo lela la dilo tša lefase. Dilo tša lefase ga di re feela go kgoga, le go nwa, le go kitima dipontšho. Go ra go se dumele. O phuleleditše go kgabola tšeo tšohle, go fihla a hweditše gore tumelo ya gagwe e a fenyā. O rile, “Ge Modimo a kgona go dira seo go mosadi yola yo mošweu, Modimo a ka kgona go dira seo go nna, mosadi wa lekhalate.”

151 Modimo o e dirile. Gomme Modimo o tla e dira nako ye nngwe le ye nngwe ge tumelo ya rena e fenyā go kamaka, go sa tshwenye gore go befile bjang. Oo, O a phela!

152 A go motho yo a itšego mo a dirilego go be a be a le ka Chigago bošego bjoo, yo a kwelego mosadi a paka? Phagamišetša diatla tša gago godimo. Gabotse, ee, lebelelang gohle go dikologa mo. Nnete, e bile fao, mosadi yo a bilego ka lefelong mengwaga yohle ye.

Ke eng yona? Tumelo ke phenyo.

153 Bjale, Jesu yoo wa go swana o mo bošego bjo. Ka gona, ge ke dumelela tumelo ya ka ya tlemologela, go tshepišo ya Gagwe, gona O tla tla thwi morago le go dira selo sa go swana, ge o ka no dumelela tumelo ya gago ya tlemologela go tshepišo.

154 Ge A ka e dira go yo mongwe wa lena le dutšego ntle ka go batheeletši, a le tla dumela O sa phela? [Phuthego e re, “Amen.”—Mor.] A ke ka tsela ye A dirilego ge A be a le lefaseng? [“Ee.”] A ke ka tsela ye baapostola ba dirilego? [“Ee.”] Paulo o lebeletše go monna, le go ya pele. Gomme mola Jesu a boditše mosadi sedibeng.

155 Mola mosadi a kgwathile kobo ya Gagwe, gomme a ya ntle le go dula fase, O retologile go dikologa, a re, “Ke mang a Nkgwathilego?” Ba be ba sa tsebe yo a kgwathilego, kafao O rile,

“Ke mang a Nkgwathilego?” Bohle ba gana. O rile, “Eupša Ke fokotše. Bokwala bo tlogile go Nna.”

¹⁵⁶ Gomme A lebelela go dikologa go fihla A hweditše mosadi yo a dirilego. O be a na le taba ya madi. Gomme a mmošša, “Tumelo ya gago e hweditše phenyo.” Ke eng yona? Ga se a ke a re, “Ke go fodišitše.” O rile, “Tumelo ya gago e go phološitše. O dirile eng? O bile le tumelo ye e fenyago, ye e gatelelago, ye e katakago fase go kamaka mogongwe le mogongwe.”

¹⁵⁷ “Ka gore o rile ka gare ga pelo ya gagwe, ‘Ge nka kgona go kgwatha kobo ya Gagwe, ke tla fodišwa.’” Jesu o be a . . . O ile a swanela ke go tšea seo ka se sengwe a se gopotšego ka monaganong wa gagwe mong.

¹⁵⁸ Šele Lentšu la Gagwe Mong, le tleleima gore O tla ba fa ka go letšatši le le go dira ya go swana ye A e dirilego nako yeo. “Lebakana le lennyane gomme lefase le ka se Mpone gape, eupša lena le tla Mpona. Mediro ye Ke e dirago, le tla e dira le lena, le ye e fetago ye le tla. Ke ya go Tate wa Ka, gomme le tla dira go feta wo.” Sele lona. Re phela ka go letšatši le la mafelelo. Jesu o mo.

A re rapeleng, gomme a re dumeleng. Gomme le dumeleng ge ke rapela.

¹⁵⁹ Morena, sese sehlopha sa batho. Gomme O Modimo yo mogolo. Re bona ka Beibeleng, mo O fodišitšego mašabašaba. Moo gore ka leetong la Israele, Moshe, ge ba etla ka ntle ga lešoka, go be go se motho wa go fokola magareng ga bona. O Ngaka ye kgolo. O Matwetwe yo mogolo. Gomme bjale, Morena, a nke batho ba ba lego mo ba babjago bošego bjo, ka mmeleng wa bona goba soulong ya bona, gore bjale ba ka no neela molato wa bona ka diatleng tša Gago, Ngaka ye kgolo. Gomme dira karo godimo ga bona, Tate, go fihla mo e lego gore gohle go kamaka ga bona go tla tšewa go tloga. Bjale, Lentšu la Gago le boletše gore Wena “o a swana maabane, lehono, le go ya go ile.” Re a rapela O šomiše leo go ba thipa, le go tliša thipa yeo fase le go ipolela ka Bowena go ba yo a swanago. “Ke tla ba le lena, le ka go lena.” Gomme ka gona, Morena, ge batho ba bona gore O mo, a nke tumelo ya bona e namele ka godimo ga bolwetši bjo bongwe le bjo bongwe bjo bo lego gona ka moagong, bja sebe goba bolwetši, gomme ba fodišwe. Ka gore re e kgopela ka go la Jesu Leina. Amene.

¹⁶⁰ A le ka kgona go lemoga goba go leboga leemo le e mpeago ka go lona? Bjale lebelelang mo. Fao go bonnyane makgolopedi le masometlhano a batho ba eme mo, goba go feta fao, ke a thanka. Ya, ke a thanka ke go feta. Ga—ga ke tsebe. Eupša go setšhaba se segolo sa lena se ke sa se tsebe. Ke ba bakae mo ba sa tsebe. . . O a tseba gore ga ke go tsebe goba ga ke tsebe se se fošagetšego ka wena? Phagamišetša seatla sa gago godimo. Ee, mohlomphegi. Gabotse, ba fao, mogohle. Nnete. Ga ke, eupša O a dira.

161 Bjale, ge A ka rata . . . ge o ka no neela bowena go Yena le go Mo dumelela a bolele le wena ka tumelo ya go swana ye mosadi a bilego le yona, a o ka Mo dumela? Ge—ge e le . . . Ge eng kapa eng e le ntlha ye e netefaditšwego, ke ntlha ye e netefaditšwego.

162 Ge yo mongwe a etla tlase mo gomme a re, “Ke na le sefodiša kankere.” O tšeetše kankere ka ntle ga mo, e be e eya go leemo le lebe, gomme a tšeetše dingaka tlase kua le go netefatša go bona gore kankere e ka kgona go fodišwa, yo mongwe le yo mongwe lefaseng o be a ka kitimela seo, sefodiši seo.

163 Gobaneng, ngwanešu, ke bone Jesu Kriste a fodiša dikankere tše ntši! Eupša, go le bjalo, O kgopela feela selo setee. “Ge o ka dumela.” Go bonala e le selo se sethatathata. Ke Mmone a bula mahlo a difofu, a dira digole go sepela. Ke Mmone a tsošetša bahu godimo, ka morago ga ge ba hwile, ba boletšwe ke ngaka. Dilo tše ntši kudu, go tla tšea . . . nka se kgone go ngwala dibolume tša dipuku, go bolela se ke Mmonego a se dira, ka bonna. Eupša go le bjalo go bothata kudu, go hwetša go dumela.

164 Ge lena batho ba go babja bohle ka mo . . . ke nyaka yo mongwe le yo mongwe go no ba le tlhomphogolo ka mo le ka kgonago. Bjale, ke a dumela . . .

165 Ke modumedi yo mogolo ka go maikutlo. Ke a dumela, eng kapa eng e se nago maikutlo e hwile. Ge bodumedi bja gago bo se ne maikutlo a manyane ka bjona, bokaone o bo boloke. Ka gore . . . Eupša go na le dinako tša dilo tše tšohle tše.

166 Ge o etla go nna, gomme nka kgona go go fa yona. Gomme wa re, “Ngwanešu Branham, ke nyaka ditolara tše lekgolo.” O tla tla ka go hlompha ka kgonthe, gomme wa re, “Ngwanešu Branham, ka tlhokofalo ke hloka ditolara tše lekgolo.” Gomme—gomme o a tseba ke be ke ne ditolara tše lekgolo ka potleng ya ka, gomme o dumela seo godimo ga a ka . . . o šoma godimo ga kwelobohloko ya ka, gore ke go fe ditolara tšeo tše lekgolo. Gabotse, bjale, o ema fale ka tlhomphogolo, o letetše go e amogela.

167 Ka morago ge ke go file ditolara tšela tše lekgolo, o ka kgona go no goelela kudu ka fao o nyakago. O na le ditolara tše lekgolo ka seatleng sa gago. Le a bona?

168 Bjale, eupša, ge o etla, etla ka ditlhompho. O se ke wa tla, o goelela, gomme wa nkgopela ditolara tše lekgolo; nka no se go kwešiše. Le a bona? Eupša o a tla, wa nkgopela. Gomme ka gona ge ke go fa ditolara tše lekgolo, ka morago thoma go goelela. Kafao ge . . .

169 A re tleng go Modimo gomme re Mo kgopele go sepediša Moya wo Mokgethwa wa Gagwe, ka gare ga maboto goba ka ntle ga maboto, kae kapa kae e ka bago. Ga ke tshwenyege mo o emego. Kae kapa kae e lego gona, ga ke tshwenyege. Ge e le go kgabaganya naga, gomme o rapelela yo mongwe, O tla O sepediša. Gomme a re nong go bona.

170 Modimo o rile, “Nnetefatseng.” Yeo ke tsela ye botse go netefatša ge e ba Modimo ke Modimo, goba aowa. “Nnetefatseng,” go rialo Morena.

171 Bjale, ge A le Modimo, gona, gomme re a tseba gore ke Yena, a re Mo kgopeleng go dira dilo mo, bošego bjo, tše A di dirilego, gomme ka gona o ka se swanele ke go tla mo. Gomme ge e dirilwe, bonnyane batho ba bararo ba go fapana, go kgabaganya moago. Ge O direga go, ge O ratha go batho ba ke ba tsebago, ga—ga ke nyake go amogela seo bjalo ka e tee. Le a bona? Ke O nyaka godimo ga yo mongwe yo ke sa mo tsebago.

172 Bjale, ge go etla go tsebeng malwetši, fao go motho yo motee feela ka mo, yo ke mo tsebago, wa bolwetši bofe kapa bofe; gomme bjoo ga se bolwetši. Yoo ke wa ka wa go loka, le bose, mogwera yo monnyane, Edith Wright, o dutše morago kua. Ke a mo tseba. O tlaišegile mengwaga. Re mo rapeletše, gomme ga se a ke. . . A ya ka ntle ga bohloko nako yeo, o bile nako ye telele. Eupša Morena ga se a ke a lokolla mosetsana go tšwa tlaišegong ya gagwe. Ke tseba se e lego bothata ka Edith. Ka ntle ga bjoo, ga ke tsebe yo mongwe ka mo, bolwetši bjo o nago nabjo.

173 Eupša ge e le gore o a ntseba, ke—ke tla upše ya ba, gore o tla tseba gore ga se nna, gore ke Morena.

Bjale rapelang. Ke tla rapela. Gomme a re nong go dumela Morena.

174 Gomme bjale, Kgaetšedi Gertie, feela ka go nanya ka fao o ka kgonago, ke go nyaka o bapala, “Ngaka ye kgolo bjale e kgauswi, Jesu wa go kwela bohloko.”

175 Ke lebeletše go kgabaganya mo go Ngwanešu Banks Wood, mogwera wa ka. Mang kapa mang a tsebago, yo a tsebago Ngwanešu Wood mo ka tabarenekeleng, ke yo mongwe wa bahlokomelaphahlo mo. Eupša peleng o be a le Hlatse ya Jehofa. Se e be ka nnete e le selo go yena, eupša, ge a tlile Louisville gomme o bone Morena a dira se sengwe. . . O be a na le mošemane wa segole, mohuta wa bogole bja bosea bo be bo gogetše leoto la gagwe godimo. Gomme o ile a latela dikopano. Ke be ke sa tsebe. Ga se ka tsoge ka kwa ka yena. Eupša ge a etla godimo mo go. . . Felotsoko, ka tla morago go tšwa mošwamawatle, go tšwa Sweden, a dutše tsela morago ka moagong, bošego bjoo, Morena Jesu a bitša mošemane yoo, David, gomme a mo fodiša. Gomme lehono, mošemane ga a tsebe gore e be e le leoto lefe, le la go fodišwa. Le a bona?

Oo, makgolo a dilo! Ge o ka no dumela!

176 Bjale, nako e tee nka kgonago go nagana ka yona, gomme ka kgonthe ke kgopetše ka yeo. Ke a elelwa, e be e le. . . Ke bona batho ba bangwe ba Amish, ke a dumela, goba e ka ba Mennonite, o tee, ka moagong, le bahumagadi ba bannyane ba rwele dikefa tša bona tše nnyane. Seo ke se se ntirile go nagana seo. Ke be ke le ka Forth Wayne, Indiana. Gomme fao go be go

le mosetsana yo monnyane wa Mennonite yo a go amogela Moya wo Mokgethwa. Goba, e ka be e be e le Amish. E be e le yo motee wa bao, yo motee wa batho bao, e ka ba Mennonite goba Amish. Gomme o be a le mo—mo mosetsana wa go ratega. Gomme o be a bapala, “Ngaka ye kgolo bjale e kgauswi, Jesu wa go kwela bohloko.”

¹⁷⁷ Gomme fao go be go le—le lesea le lennyane le le bego le tlišitšwe ka matsogong a ka, le le bego le golofetše. Gomme ge ke rapetše, lesea le lennyane la fodišwa. La taboga go tšwa ka matsogong a ka gomme la kitima go theoga sefala. Gomme mme a idibala.

¹⁷⁸ Gomme mosetsana wa Amish goba Mennonite o be a tseba mohomagadi. Gomme a . . . Moya wo Mokgethwa wa mo ratha gomme a thoma go goelesa. Gomme a phagamišetša diatla tša gagwe godimo gomme a tšhaba go tloga go piano.

¹⁷⁹ Gomme piano ga se ya ke ya foša noute, e bapala, “Ngaka ye kgolo bjale e kgauswi, Jesu wa go kwela bohloko.” Go tšwa go theoga go kgabola mekgoba yela, go tšwa mogohle, batho ba be ba kgobokane godimo mongwe go yo mongwe. Gomme dinotlelo tša nakatlou di be di eya godimo le fase, “Ngaka ye kgolo bjale e kgauswi, Jesu wa go kwela bohloko.” Gomme bona ba robetše lebatong, ka mekgobeng, ba fentšwe ke—ke seditela sa, goba, bogona bja Moya wo Mokgethwa.

O sa phela. O sa le Jesu.

¹⁸⁰ Bjale feela ka go homola a re nong go hama yeo feela motsotso. Ka gona re . . . ka gona re tla bona se Morena a se bolelago. Yo mongwe le yo mongwe bjale iketleng ka bolena go tumelo. Thoma go lebelela ka tsela ye, gomme dumela ka pelo ya gago yohle.

Ngaka ye kgolo bjale e kgauswi,

¹⁸¹ Morena Jesu, ke a rapela gore O tla utolla se se lego ka gare ga dipelo tše. Leineng la Jesu.

. . . pelo go thaba,

Oo, kwang Lentšu la Jesu.

Noute bosebose ka go pina ya baserafe,

Leina le lebosebose . . .

¹⁸² Bjale lena batho ba go babja thomang go ntšhetša ntle go kamaka gohle. Ba bantši ba lena ga se ba ke ba bona se pele. E reng, “Ke a dumela, go le bjalo.”

Jesu, yo bohlokwa Jesu.

¹⁸³ [Ngwanešo Branham o thoma go hama *Ngaka Ye Kgolo*, gomme ka gona o khutša metsotswana ye masometharo—Mor.]

¹⁸⁴ Ke a holofela ga se nna setsenwa. Eupša go no bonala go nna bjale go no swana le gore ke ya ka kamoreng ya ka, ke goga lebatlamo, ke tšena ka sekhutlwaneng sa sephiri le go

tswalela mabati. Ke nno tswalelela kgole batheeletši bohle go tloga tikologong bjale, le a bona. “Gomme rapela go Tate wa gago yo a bonago ka sephiring, gomme O yo a bonago ke sephiring o tla go putsa molaleng. Kgopelang, gomme le tla fiwa; nyakang, le tla hwetša; kokotang, le tla bulelwa; ka gore yo mongwe le yo mongwe a nyakago o a hwetša.”

¹⁸⁵ Mo eleletšeng mo bjale. Gore le bona senepeng kua, Seetša, Ntikodiko, Sona ga se kgole. Ke mohlathi wa dikgopolo. Ke Kriste. “Lebakana le lennyane. . . Ke tšwa go Modimo, gomme Ke tla boela go Modimo.” O dirile. O ile thwi morago mo A bego a le gona. Ge A etla gape, O tla ba ka go mmele wa nama go swana le ge A bile, Morena Jesu.

¹⁸⁶ O ka no re, “Ngwanešu Branham, o dira eng?” Ke no beakanya bonna go neelwa. Bjale seo. . . ke nno ema mo.

¹⁸⁷ Ye ga se pontšho bjale. Aowa, mohlomphegi. O se ke wa nagana seo, o tla ba mabaleng a mabe.

¹⁸⁸ Le a leka, le leka go gatelela ka go felotsoko. Lentšu la Modimo le bothateng. Ke boletše gore O be a le. Go ka reng ge Le se? Yena ka mehla o tla boloka Lentšu le Gagwe. Ga ke boife seo.

¹⁸⁹ Yo mongwe, felotsoko, o tla ratha morumo wola wa seaparo sa Gagwe. Beibele e rile, “Ke Yena bjale,” thwi bjale, “Moprista yo Mogolo yo a kgonago go kgwathwa ke maikutlo a mafokodi a rena.”

¹⁹⁰ O ntebeletše ka tlhokofalo kudu, mohumagadi, o dutšego fale ka roko yela ye bolou godimo. Ga ke go tsebe, ga ke dumele. Ga ke kgone go bonala ke hwetša kgomagano kae kapa kae le tumelo ya yo mongwe. Mohlomongwe e tla thuša. A o na le go hloka Modimo? Ge ke le mosetsebj e go wena, phagamišetša seatla sa gago godimo. [Kgaetšedi o re, “Ga ke nagane gore o a ntseba, Ngwanešu Branham, eupša ke a go tseba.”—Mor.] Ga ke go tsebe, eupša o a ntseba. Go lokile. Ga ke na le lesedi la gore o mo bakeng sa eng. Ga se ka ke ka go bona ka bophelong, ka mo ke tsebago. Go molaleng o bile ka kopanong ya ka felotsoko. Ge Morena Jesu a tla mpotša se bothata bja gago bo lego sona, o tla e dumela? O tla swanela ke go e dumela ge e le therešo. Gomme mohlomongwe seo se tla fa tumelo go ba bangwe, go ya go šoma, le a bona. Ga ke tsebe. Ke nno go bona o dutše kua o ntebeletše. Ga se wa no tloša mahlo a gago go tloga go nna. O kgauswi.

¹⁹¹ Mosadi yo a dutšego ka pele mo, ke a mo tseba. Batho ba *mo*, ke a ba tseba.

¹⁹² Ke be ke sa nagane gore ke be ke le tseba. Ga ke, eupša O a dira. Gomme ge o na le tlhokego, go no swana le ge o be o eme mo sefaleng.

¹⁹³ Ee. Bjale yo mongwe le yo mongwe o kgona go bona. Ke a holofela le a kgona. Go lebega go nna, gore, mosadi ka kgonthe ga a bonagale. Eupša o na le se sengwe se itšego sa go fošagala.

O na le bolwetši bja letlalo. Yeo ke therešo. Emišetša seatla sa gago godimo ge yeo e le therešo. Bo mmeleng wa gagwe bjo bo sa bonalego, eušpa o nabjo. Ke therešo. Le a bona, feela kgomano.

194 Mola, “O rile, ‘Re lebelele.’ Gomme mola ba sa mo lebeletše ka go tsepelela, Paulo a re, ‘Ke a bona o na le tumelo ya go fodišwa.’”

195 Go bjang ka mohumagadi yo monnyane a dutšego kgauswi le wena? Ka mokgwa wa go phuleletša go kgabola sešitiši, go yena, ka gore o be a rapela le yena. Ga ke go tsebe. Re basetsebane go yo motee go yo mongwe. Yeo ke therešo. Ge Moya wo Mokgethwa o ka utolla go nna se bothata bja gago e lego sona goba se o se tletšego mo, goba se sengwe ka bophelong bja gago se o tsebago gore ga ke se tsebe, a o tla dumela gore ke. . .gore Maatla a le, Maatla a go se bonwe, a tšwa go Kriste? Ke nyaka go go botšiša se sengwe. Thwi bjale, o na le boikwelo godimo ga gago, bose ka kgonthe, boleta, boikwelo bja go kokobela. Ge seo e le therešo, phagamiša seatla sa gago. Le a bona? Yeo ke yona. Thwi bokagodimo ga gago go eme Seetša sela. Gomme o tlaišega ka bothata bja dinao tša gago le maoto. Yeo ke nnete. A ga se yona? Šišinya sakatuku seo go batho, ge yeo e le nnete, gore ba bone. Ga ke nagane gore o tla tsoge wa tshwenngwa ke wona gape. Yeo ke . . .

196 Ke eng e dirago seo? Ke eng . . . Fao go batho ba ke sego ka ke ka ba bona ka bophelo bja ka. Ke eng e se dirago? Yeo ke pedi.

197 Fale go monna yo mofsa o dutše thwi kgauswi le mosadi, thwi fale bjale. Gomme o thomile go lla ka pela ge Seo se mo ratha. Ke sengwe se sengwe ka mosadi yola . . . Aowa. Ke monna yo mofsa, ka boyena. O tshwenywa ke mogolo wa gagwe le hlogo. Yeo ke nnete. Ke a dumela o mosetsebjego nna, monna yo mofsa. Ga se ka ke ka go bona. Yeo ke nnete. Yeo ke nnete. Yeo ke nnete, emišetša diatla tša gago godimo.

198 Fale go batho ba bararo, ba dutše ka mothalo. Ga se ka ke ka bona, ga go kgomano, ka bophelong bja ka, go batho bao. A le ka dumela?

199 Yo mongwe ka lehlakoreng *le* bjale, a lego ka *mo*. Ke ba bakae ba babjago le go hloka, ka lehlakoreng *le*? Phagamišang diatla tša lena, yo mongwe le yo mongwe ka lehlakoreng *le*, yo a hlokago. Oo, ke mogohle. Go lokile. Bjale e nong go tšwelapele le dumela.

200 Monna a dutšego, a ntebeletše, o swanetše go hwetša Kriste goba o hwe. Kankere e tla go bolaya. Modimo ke mofodiši.

201 Mohumagadi yo mogolo yo a dutšego *mo*, thwi mo setulong. O tlaišega ka bothata bja teng le athiraitisi. Yeo ke therešo. O a dumela e dirilwe?

202 O lebeletše go dikologa go yena. O a dumela? O hloka Kriste? O ntumela go ba mohlanka wa Gagwe? Sekutu seo o nyakago se

ntšhiwa, o a dumela Modimo o tla se dira? Ga ke bone sekutu, eupša se fao. Se molaleng wa gago, ka morago. Mohlomongwe ge ke go botša leina la gago Moh. Welsh, a o ka ntumela gona? Ke lona? Yeo ke nnete. A ga se yona? [Kgaetšedi o re, “Ee, ke yona.”—Mor.] Go lokile. Ga se ka ke ka go bona ka bophelong bja ka. O tseba seo. Uh-huh. O na le tumelo ka go Modimo.

203 Go na le leswao la lehu bokagodimo ga mosadi yo monnyane a dutšego fale, kankere, le yena. O a dumela, mohumagadi, gore Modimo o tla go dira o fole? O a dira? O tlaišega ka kankere. Ke morithi wo moso o lekeletše bokagodimo ga gago. Ke a go botša bjale, o sepetše, ge o ka dumela.

204 Ga ke tsebe mosadi. Ga se ka ke ka mmona ka bophelong bja ka. Ga ke tsebe yo mongwe wa batho ba, bokgole bjo ke bo tsebago. A o ka dumela?

205 Ke lebeletše monna. Ga ke thanke gore ke ile ka mmona pele, ka bophelong bja ka. O tlaišega ka go tsupuga ga setho. O a dumela Morena o tla go fodiša, mohlomphegi, go tsupuga fao, go dira o fole? Mosadi wa gago o ne letšhogo le go fokola. Mor. Reed, leo ke leina la gago. Ga ke go tsebe. Ga o tšwe nageng ye, go le bjalo. O tšwa Ohio. Yeo ke therešo. Ge yeo e le nnete, phagamela godimo. Sohle se fedile bjale, go wena le mosadi wa gago, bobedi.

Dumela ka pelo ya gago yohle. A o ka kgona go dumela bjale?

206 Tsela morago go theoga mothalo wo, morago go ya ka tsela *ye*, a ga le bone Seetša sela se lekeletšego thwi kua? Ke mosadi o tlaišega ka tshwaetšo ya twatši, thwi tlase mo mothalong mo. Ga o tšwe toropongkgolo ye. O tšwa lefelong le le bitšwago Columbus, Indiana. Leina la gago ke Elisabeth. O dula mokgotheng wo o bitšwago Mokgotha wa Ohio. Nomoro ya gago ke 1932 Mokgotheng wa Ohio. Eya, dumela. E go tlogetše bjale. Eba le tumelo.

207 Gomme bjale Moya wola o a sepele. O ya ka tsela *ye*, godimo *mo*, go monna. Gomme ke kgokagano ye nngwe. Aowa. Ke, o tšwa Columbus. Gomme o tlaišega ka seemo sa leihlo le a—a alesa. O a dumela Morena Jesu o tla go fodiša, mohlomphegi, a go dire o fole? Gomme motlogolo wa gago yo monnyane a dutšego pele ga gago fao, ngwana wa kgaetšedi wa gago, le na le mohuta wa bolwetši bja marapo, gomme ga le je bjale. Go dira mohuta wo mothata go bjona. Ge o ka dumela ka pelo yohle ya gago, o ka dirwa o fole. Eba le tumelo ka go Modimo.

208 Ke ba bakae ba lena ba dumelago bjale? [Phuthego e re, “Amene.”—Mor.]

209 Ke bona morithi wo mongwe wa kankere o dutše kua. Ge o ka dumela ka pelo ya gago yohle, kgaetšedi, e tla dirwa. Kgona . . .

210 A tumelo ya gago e fetile mothalo wola wa go kamaka bjale? Ke ba bakae ba dumelago tumelo ya gago e fetile mothalo wa go

kamaka? Phagamišetša seatla sa gago godimo. Ka gona go šetše eng eupša go kitima o lokologile? Go fedile.

²¹¹ Basetsana ba bannyane ba dutšego mo ka setulong, ke a le tseba. Ke be ke sa le tsebe go tloga bošegong bja go feta, eupša ke a le tseba bjale. Ke ithutile ka lena, lehono, go tšwa go mosadi wa ka. Leina la mmagolena ke Fulkerson pele a nyalwa. Gomme bjoo ke bolwetši bjo bo sego yo a tsebago ka bjona. Menwana ya lena e nno swaetšega, gomme le hwetša bolwetši bja madi, go swana le, se sengwe ka diatleng tša lena, gomme selo sa pele le a tseba, menwana e a kgonoga, le go ya pele. Bobedi lena basetsana ba bannyane. Le bahumagadi ba babedi ba bannyane ba ba botsana. Ke tseba mmago lena. Makgolo wa lena o fodišitšwe bošego bjo bongwe ge ke ile go yena, masomepedi le metšo a mengwaga ya go feta, ka TB. Yeo ke nnete. Mdi. Fulkerson.

²¹² Modimo a kgaleme diabololo yoo a le šitišigo lena basetsana ba ba botsana ba ba nnyane! A nke Maatla ao a tsošitšego Jesu go tšwa lebitleng, a rake go tloša selo seo, se sehlwe se le tshwenya gape. Ke bolela seo ka maatlataolo a Lentšu la Modimo. O swanetše go befelela diabololo.

²¹³ Modimo o re fa phenyo. Re na le yona thwi bjale. “Ye ke phenyo ye e fenyago lefase, tumelo ya gago.”

²¹⁴ Lena bohle ba le dumelago gore le fodišitšwe ke Maatla a Gagwe, emelang godimo ka maoto a lena gomme le Mo fe tumišo, gohle ka moagong. Phagamišang diatla tša lena bjale gomme a re Mo tumišeng.

²¹⁵ Re a Go leboga, Morena Jesu, ka maatla a Gago a phodišo. “Ye ke tumelo ye e fenyago. Ye ke phenyo, yona tumelo ya rena.” Re ba kwalakwaditše bjale go fodišwa, Leineng la Morena Jesu Kriste. E fe, Morena.

Ke Tla Mo Tumiša, Gertie. Ke Tla Mo Tumiša.

²¹⁶ A o fetile mothalo wa go šitiša? [Phuthego e a thakgala.—Mor.]

Tumiša Kwana go bolaelwa badiradibe;
Mo feng letago, lena batho bohle,
Ka gore Madi a Gagwe a hlatswitše go tloša
patso ye nngwe le ye nngwe.

Go lokile, tla le yona bjale.

Ke tla Mo tumiša, ke tla Mo tumiša,
Tumišang Kwana go bolaelwa badiradibe;
Mo feng letago, lena batho bohle,
Ka gore Madi a Gagwe a hlatswitše go tloša
patso ye nngwe le ye nngwe.

²¹⁷ Theeletšang. Ke sa dumela, bagwera, gore le ka se kgone go namelela ka lefelong lela. Ga ke ye go dumelela diabololo go fenya mohuta wo wa kopano. [Ngwanešu Branham o kokota godimo ga phuluphithi makga a mane—Mor.] Ga go lebaka la yona.

Ebangedi e rerilwe, gomme Kriste o mo go e tlišetša. Diabolo ke moaketši. Lena le, yo mongwe le yo mongwe, le fodišitšwe ke Jesu Kriste. Gatelelang ntle ka tumelo yeo fao. Šeo yona. Ke ya gago. Se hlwe o phaphamala gape. Šitlelwa Khalibari, gomme Mo fe tumišo le letago. Mmotše gore o a Mo rata. Mmotše gore o a Mo leboga. Gomme feta mothalo wola wa go aroganya, gomme Modimo o tla go fodiša le go go dira o loke. E re ka kgonthe. O se ke wa no e bolela. E re go tšwa pelong ya gago, gomme Mo fe tumišo.

Ke tla Mo tumiša, (Go tšwa pelong ya gago
bjale, tsela godimo!) Ke tla Mo tumiša,
Tumišang Kwana go bolaelwa badiradibe;
Mo feng letago, lena batho bohle, (Mo feng
tumišo!)
Ka gore Madi a Gagwe a hlatswitše go tloša
patso ye nngwe le ye nngwe.

²¹⁸ Patso ya mohuta mang? Patso ya go kamaka. “Bjale ke fodišitšwe. Ka megogoma ya Gagwe ke fodišitšwe. Ke nna wa Morena. Malwetši a ka a ile. Ke tla Mo tumiša. Ke tla Mo tumiša. Ke tla Mo fa letago. Ke tla goelesa phenyo. Ke tla Mmotša ke a Mo rata. Ke a Mo dumela. Ke lokologile.” Haleluya!

... batho,
Ka gore Madi a Gagwe a hlatswitšwe go tloša
patso ye nngwe le ye nngwe.

Ke tla Mo tumiša, ke tla Mo tumiša,
Tumišang Kwana go bolaelwa badiradibe;
Mo feng letago, lena batho bohle,
Ka gore Madi a Gagwe a hlatswitše... (Ke
wona. Phuleletša ka go yona!)... patso ye
nngwe le ye nngwe.

Ke tla Mo tumiša, ke... (Haleluya! Haleluya!)
Tumišang Kwana go bolaelwa badiradibe;
Mo feng letago, lena batho bohle,
Ka gore... (Yeo ke yona!)... a hlatswitše go
tloša patso ye nngwe le ye nngwe.

Ke tla Mo tumiša, (Go no hlatswiwa go
tšwelapele ga Madi!)... Yena,
Tumišang Kwana go bolaelwa badiradibe;
Mo feng letago, lena batho bohle,
Ka gore Madi a Gagwe a hlatswitše go tloša
patso ye nngwe le ye nngwe.

²¹⁹ Letago! Tumišang Morena! A le a Mo rata? [Phuthego e tumiša Morena gagolo—Mor.] Mo tumišeng! Mo tumišeng! Kriste wa letago! Modimo wa letago, wa go phela a le gona bjale! Jehofa Modimo wa Testamente ya Kgale, a lego gona ka letšatšing le! “Mešomo ya Gagwe ke ya go makatša ye mebotse bjang!”

“Maswao le dimaka tša Gagwe a feta go hwetša ntle.” Oo, go makatša bjang! Oo, Yena ke wa letago!

220 Ke ba bakae ba lena ba ikwelago Bogona bja Modimo thwi bjale? [Phuthego e thakgala gagolo—Mor.] Nnete! A go kamaka mogongwe le mogongwe go nyamalale go tloga go wena. O fodile. Ka megogomoma ya Gagwe o fodile. Go fedile. Tumiša le go Mo fa letago!

221 Moya wo Mokgethwa, o wela gohle go dikologa ka moagong! Ntikodiko ye kgolo ya Seetša, e dikologa lefelo! Go makatša bjang! Re Mo rata bjang!

Gomme ge ntwa e fedile, re tla rwala korone!
Ee, re tla rwala korone! Ee, re tla rwala korone!
Gomme ka gona ge ntwa e fedile, re tla rwala korone

Ka go Jerusalema ye mpsha.

Go rwala korone, go rwala korone,
Go rwala korone ya go taga ya go phadima.
Gomme ge ntwa e fedile, re tla rwala korone
Ka go Jerusalema ye mpsha.

Go rwala korone, go rwala korone,
Go rwala korone ya go taga le go phadima.
Gomme ge ntwa e fedile, re tla rwala korone
Ka go Jerusalema ye mpsha.

222 Wo ke, go ya ka kgopolo ya ka, go no swana le Moya wo Mokgethwa wo o welego ka Letšatši la Pentecost, wo o ripago go tlemolla ditlemo.

223 Ke nno direga go ela hloko, ka mo kopanong go eme ngwanešu wa Mennonite. Ka Indianapolis, o tlile ka gare, gomme o bile le bolwetši bja go wa lebakeng la ye mentši, ye mentši mengwaga. Gomme Moya wo Mokgethwa o mmileditše ntle, ka kopanong, ke a dumela e be e le. Gomme ga se a ke a tsoge a ba le tlhaselo ya bjona. Morena Modimo o mo fodišitše le go mo dira go phethagala, go fola; moreri wa Mennonite.

224 Oo, a Yena ga a makatše! Ga go yo motee a tsebago, go bao ba latswitšego bobotse bja Gagwe, ba tseba ka fao A lego botse!

225 Bjale, bagwera, go kgopolo ya ka, bjo ke bodumedi bja nako ya kgale, ge Morena Jesu Kriste a etla ka magareng ga rena gomme a re šegofatša. Re thabile le mo. Ke a dumela gore motho yo mongwe le yo mongwe yo a lego ka Bogoneng bjo Bokgethwa o, thwi bjale, ge tumelo ya gago e sobeleditše mekamako yohle morago, o lokologile bjale. Feela o se ke wa tleleima bolwetši bjo bo itšego, go tloga bjale go ya pele. Eya pele. O neetše molato wa gago go ngaka e tee; o neele go Jesu bjale. O go dirile karo le go tšea go tloša go kamaka gohle, ka fao o ka kgona go ba le yona. Morena a le šegofatše.

Ke bodumedi bja nako ya kgale,
Gomme bo lokile go lekanela go nna.

Ke bodumedi bja nako ya kgale,
Ke bodumedi bja nako ya kgale,
Ke bodumedi bja nako ya kgale,
Gomme bo lokile go lekanela go nna.

Bo ntira go rata mongwe le mongwe,
Bo ntira go rata mongwe le mongwe,
Bo ntira go rata mongwe le mongwe,
Gomme bo lokile go lekanela go nna.

Oo, ke bodumedi bja nako ya kgale,
Ke bodumedi bja nako ya kgale,
Ke bodumedi bja nako ya kgale,
Gomme bo lokile go lekanela go nna.

. . . ge ke ehwa,
Bo tla dira ge ke ehwa,
Bo tla dira ge ke ehwa,
Gomme bo lokile go lekanela go nna.

Ke bodumedi bja nako ya kgale,
Ke bodumedi bja nako ya kgale,
Ke bodumedi bja nako ya kgale,
Gomme bo lokile go lekanela go nna.



TUMELO KE PHENYO YA RENA NST58-1004
(Faith Is Our Victory)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Oktobere 4, 1958, mo Tabarekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org